

四庫全書

史部

欽定四庫全書

史部

欽定南巡盛典卷二十一

詳校官兵部郎中臣孫球

欽定四庫全書

欽定南巡盛典卷五十

天章

甲辰 江南

詩

入江南境

甫過三載復行春為戀民情望幸純踰古稀人應簡出
趁今健體一來巡當年壯者多成老此日觀之益覺親
却喜疆臣知我意不教綴景競奇新

六依

皇祖示江南大小諸吏韻

皇祖六巡南

聖量包山楸入疆詩示吏要義微言剖我每敬廢韻

崇謨服膺久仲春日已良駐蹕頻之首載咨爾諸吏孰非
民父母可有泣向隅可有姜樓畝斯皆爾我責瞻前莫
忘後民艱不可忽官箴要當守有來瞻覲民千百以為
友老扶幼者挈馬前祝萬壽忍弗懷保之無逸言敢負

龍泉莊行館即事

江南茲首頓行館面平蕪綴景休煩飾樸風斯可娛官
方體召見民隱訪嗟吁林下老臣覲健談情懇吾

題行春堂疊庚子詩韻

行春豈是漫行春實政應教被萬民減賦蠲逋施次第
小廉大法最躬親諺曾聞夏休而助易首稱周元即仁
三歲重來當仲月電光石火迅誠真

降旨免江省積欠詩以誌事

三年積欠逾百萬

自庚子南巡蠲免江省積欠後甫越三年茲入疆伊始周咨民隱江寧藩

司所屬又有未完地丁漕項等銀三十六萬七千五百兩零民借籽種等銀十五萬一千九百兩零米麥豆十八萬九千七百石零蘇州藩司所屬未完地丁漕項銀四萬五百兩零民借籽種銀一千二百兩零米豆三萬八千九百石零安徽藩司所屬未完地丁等銀三十七萬三千二百兩零民借籽種銀六萬一千九百兩零漕項銀八萬三千一百六十兩零米麥豆六萬五千七百石零合計銀米共一百三十餘萬並降旨蠲免重

矣民艱憐不遑豈是正供逋有意都緣借項迫無償

江

未完積欠各屬如江寧之淮徐等處安徽之廬鳳潁泗等處均因災歉之餘致未完地丁漕項民借籽種口糧等項為數較多蘇州藩司所追呼忍更施窮巷蠲逋因屬多獲有收是以積欠較少

教副省方雨雪早聞春澤好據薩戴閔鶚元奏江寧江蘇徐州等處於正月初九初十十一等日得雪自七八寸至盈尺不等又據毓奇李奉翰等奏清河桃源等處於正月廿六七日得雨五六寸春膏優渥麥收可卜豐稔同民樂實沐

穹蒼

賜兩江總督薩載

節度江南歷多歲練於吏治悉河工惟應益慎勤諸事勿以已知懈一躬不患士文武莫弛欲求民裕儉當崇久而敬者晏平仲絜矩為師爾我同

賜江蘇巡撫閔鶚元

暫降頭銜旋賜復蹕途迎謁拜恩榮詎云為隱在父子

實不相同乃弟兄

閔鶚元前因其弟閔鶚元在甘省知縣任內捏灾冒賑閔鶚元不能先事

教誡又不舉奏是以降為三品頂帶以示薄罰旋予開復云

薄罰聊因明國法取長

仍以悉民情民情亦豈易言悉恒念其艱戒滿盈

駱馬湖

濟運應於節洩湖又在宣

此湖承微山諸湖下游常年藉以濟運而諸湖盛漲之年

又資以宣洩辛丑青龍崗漫口未合龍時曾降旨令薩載等亟籌去路據奏先將駱馬湖竹簍牕開放其餘各

臨壩次第啟放洩水由劉老澗下注
六塘河歸海由是盛漲得以暢洩

節宣胥要矣宵旰

每厓焉幸得大河復早疏下口便

六塘河為此湖下口
昨歲癸卯河復後辛

下口疏剔已暢微山湖消水已符舊誌較之丁丑孫家
集漫口合龍積水至兩年始行消盡者情形迥別然又
恐分洩太過因將臨湖各臨壩次第堵開收蓄水勢以濟
今年重運今過喜無事永逸敢云然

度永濟橋四疊前韻作歌

澤國陸路行逶迤漸南野甸時見水水多可識近江河

疏導宣防由此起丁丑逮今廿七年

永濟橋之水下注
為六塘河歸海向

多淤埂丁丑南巡時經臨籌度命大學士劉統勳等履勘濬培添建牘壩禁民侵占逮今已廿七年矣

往

來經必慎勘視初惟六塘馮夏潦俾之東注滄瀛裏辛

丑此乃有大賴微湖漲洩實資爾

初駱馬湖之水由永濟橋東注入六塘河

鄆海辛丑因青龍岡漫口未經合龍降旨命薩載等勘亟籌去路嗣據奏漫水由微山湖下注邱宿桃清運

河出楊莊口門歸海並將駱馬湖牘壩次第開放由劉老澗下注六塘河歸海俾來源雖大而去路亦多下口

疏別各工著有成效

猶恐六塘不能容救急開壩權折毀

薩載等奏將駱

馬湖竹簍牘先行開放其餘各牘壩次第開放洩水由劉老澗下注六塘河歸海並開挑微山湖下之顧家莊

等引渠分洩水勢為一時權宜補救之計幸而運道湖河得保無虞昨歲癸卯春漫口合龍後一切善後條葺

牘壩各事宜均勒限趕辦次第完竣悉復舊時規制昨歲癸卯河乃復善後仍要勤修理事定之後益切懼事前之幸那可恃補偏救弊別無能蒿目焦心良有以

順河集行館三疊舊作韻

登舫惟餘四日程
恣行館傍宿遷城
雖非擇地為指示
究是費財勞構營
暫倚窓紗迎日朗
底須盆卉報春榮
壬午年乙酉歲
庚之子指壁三賡一瞬情

過宿遷縣

辛丑青龍岡決後泛溢三湖不能納金鄉魚臺之間沙

通澄

辛丑青龍岡漫口之水滙歸南陽昭陽微山三湖恐有淤墊屢經馳詢據薩載李奉翰明興等奏漫

水經由東省地方蕩漾停淤數百清水漲與運河合里至金鄉魚臺而下水色便已澄清薩載等奏又稱漫水入江南沛縣境即全屬清沛邑居水其微山湖與運河連為一片之處並無黃色

上受災重洪波直立侵城堞即今水退昏墊蘇計惟遷

縣無別法

江南沛縣因漫水下注城垣俱被淹浸受災最重上年合龍後河復故道僅能涸出基址

欲令永遠安堵不得不酌籌遷移為一勞永逸之計因降旨諭令薩載於沛縣境內履勘高阜地方另建城垣俾百姓易地安居永無水患隨據薩載等奏請於距舊城西南三十里之戚山地方建立新城該處地勢較舊

城計高五六尺烟戶本稠可資鞏固等語因令如所議行宿預實亦臨運河幸而下

口分洩捷

宿遷雖亦臨運河然下口由楊家莊宣洩僅二百里本屬近便又先經諭令薩載於李家

莊新河置壩以資啟閉辛丑秋薩載遵諭並開放李家莊新河由是下游得分路暢洩水勢平緩宿遷城郭田

廬幸保無恙

依然城郭民居安然已幾乎危業業去歲雖然

薄有收那容易復元氣洽扶老携幼覲光民對之益愧

調幕協

過仰化集口占

老幼黎明日日添馬前興後任翹瞻林林斯盡仰化者

思義顧名意未快

可使由之不可知魯論歲越二千斯如云設教以為化
恐致翻成滋擾之

按由者率也率由舊章率性之謂道訓已詳焉又由
者因也因嚴以教敬因親以教愛則更親切著明可
使由之亦如是而已矣若謂聖人之教有不可使民
盡知之道吾知其不知聖人也因題此什更申明其
說如此

題展義齋

林家莊
行館內

展義顏行館循名應有為
官方厯省察民隱悉諏咨
綴景非所喜樸風應切知
載陽春氣動耕種莫稽遲

賜隨營王大臣及江南督撫諸吏食詩以誌事

駐蹕今朝近授餐
頃館便隨行胥跋涉共張更勤宣
視等頒筐篚開筵脩管絃
同稱民弗擾是我意忻然

賜江南總河李奉翰

南河任久熟經權
每助豫工更力宣
常近危仍勵汝志

前因李奉翰熟悉河務命往豫工堵築青龍岡漫口壬寅四月初十日壩工已掛纜合龍十一日壩工陡壘李奉翰督率人夫搶救轉身時金門裂縫數尺李奉翰失足跌入被門纜掛住傷胸夫役救護得全大學士阿桂奏到深為憐念茲迎鑾境上因其河工勞績茂著賞給騎都尉世職即令其子鑾儀衛治儀正李慶徵承襲以示優

不辭勞實致予憐而今河復雖無事益謹隄防戒有愆兩字官箴爾其聽身惟勤與志惟虔

賜漕運總督毓奇

駢馬巡漕運恰遭河決危

毓奇由給事中派出巡漕旋擢內閣學士仍兼巡漕值辛

丑青龍岡漫口尚未合龍毓奇往來督察漕運無悞因擢為漕運總督贊叅頗中要來往

不辭疲遂命今職領幸當故道隨幫期速踰月

昨歲據
輒奇奏

漕船尾幫於十月二十三日全數渡黃核計各幫
回空抵次較常年可早月餘等語所辦甚為安速儘力

更逢時

題同和堂

君子和不同小人同不和而此云同和或乖聖語麼然

吾實有解君道包者多庶民胥小人殊彼邪正科

左傳云吾

儕小人即指庶民而言
非君子小人之小人也

昨亦曾著論發明義研磨

君子

其界雖不可不明而其蹟則不可不慎唐虞黜陟未嘗
謂之為君子小人漢唐宋明門戶朋黨之禍延及國家

皆其界太明而不慎其蹟之所致詳見昨所著君子小人論吾更思之若四凶應誡小人矣然舜惟極一絲其三皆不至於死若其不至四凶之甚之小人必更多皆在聖人寬宥之中可知為君之道雖小人未嘗不育之但不假之權而慎其蹟耳況此巡方典休助諺無訛日日觀光者踵

繼肩相摩忍弗視如子隨路沛恩波

麥苗

隄外麥苗日日多向南暖潤綠婆娑萬民瞻覲紛蹂躪

心既惜之不忍訶

隄外麥苗新茁道傍老幼奔走就瞻不免踐踏心實惜之然念其愛戴誠

殷不忍加以訶斥也

賜江蘇學政謝墉

江浙均為文物鄉非鴻博此任難當雖然尚藻豈其臆
必也窮經以是覆雅正清真茲已鮮抹塗勦襲亦應防
士風淳則民風順敦化寧云虛設庠

題融春齋

融春前歲駐原在桂家莊

即近李家莊新運口

新乃不如舊李停

仍就楊

桂家莊行館向近李家莊新開運口因漕艘商船皆願行楊家莊中河舊口李家莊新運口仍

置壩不過為疏洩盛漲之用因命移建行館於楊家莊就近之處較前更為近便

因之徙行館

聊以憩書堂明日清江浦言登安福航

安福艦歷年所御南巡舟名

閱中河楊莊口

皇祖六巡來往過楊莊定制乃無頗利聞不百不變法言

費用中用戒訛

先是運道由清河縣之上仲莊牆出口形勢未順有助黃灌清之患康熙四十

二年

皇祖南巡指示形勢命於楊莊改挑運口距

仲莊牆十餘里在清黃交會下游地勢順利舟行稱便

蓋由

聖謨獨斷酌中

漕舫弗從新口渡商船原就

定制實為萬世永賴也

舊川多惟教置壩消淫潦却藉微湖減漲波

自康熙年間移改楊

莊運口後數十年來漕般商船過行利便嗣高晉請移中河口於下游之李家莊以避黃河橫衝抵溜之險續

經薩載以為楊莊河流暢出應循其舊上屆親莅履勘
以李莊挑河已成功不可廢諭令薩載於李莊新運口
置壩啟閉以為疏洩盛漲之用至辛丑青龍岡漫口下
注微山等湖之水匯入中河宣洩不及即諭令薩載開
放李莊新河口由是微湖之水得藉此分路暢洩
於調濟實為有益而李家莊運口亦不為虛棄也

楊莊開六依

皇祖詩韻

河務都經

聖訓餘嘉謨千載利淮徐叮嚀大吏無多語慎守章程莫

懈疎

議河自昔若焚絲定志猶應堅不移燭理弗明設固執其為害大亦當知

李家莊新河口誌事疊庚子詩韻

高晉昔議謂楊莊河阻之

往年高晉謂楊家莊中河口有黃河沙阻請另開運口於

李家莊為避阻就夷之計

李莊開運口避黃應下移所費殊不多來

往路就夷利商及漕運隄壩工作施然而細體察待之

以歲時衆仍走楊莊新口行遲遲

移改李家莊運口雖為避黃河之沙阻俾

漕運商船得以往來便利起見然衆弗以為便及詢問薩載移改中河之事據稱楊家莊現在河流暢出蓋移

改李家莊乃高晉一人之見未嘗詢謀僉同也

庚子躬履勘情形更悉知爰命

仍舊貫舊口原甚宜新口堅築壩以待洩漲為而竟得其

用洩漲兩路費

庚子春南巡親行履勘楊莊河口原可仍其舊然中河設遇夏秋異漲由此李

家莊新河分洩出口亦為有益因諭令薩載置壩以資啟閉前歲黃河衝決微山等湖泛湖中河不能容因命薩載將李家莊口門開放分流由是中河下游得分路出水勢漸平緩而往來船隻仍由楊莊出入云

凡

事豫則立居高恒念卑

渡河有作

昨日有風息夜半宵陰未雨霽晨清拈香

絲幕虔致敬

二月廿二日自楊家莊行宮啟蹕渡
黃河例設絲棚拈香瞻禮河神開權

蘭舟穩渡平蒙

佑匪今益予懼相親自昔篤民情迴看西北雲容重澤

霈豫齊庶利耕

江南境上春澤已霈此時不雨尚可山
東河南及直隸之河間景州等處南府

州各屬望澤較殷茲西北一帶雲氣
濃厚庶冀膏澤普霈利我春耕也

陶莊

河神廟瞻禮疊庚子詩韻

漬宗丁酉徙陶莊清口從茲弗患黃

向來清口每虞黃
水側灌自康熙已

卯春 皇祖南巡蒞視即 命河臣董安國於清
口迤西隔岸挑陶莊引河導黃使北因開放過早旋復
淤墊其後庚辰辛巳壬辰甲午以及雍正庚戌歷
命大臣及河臣籌勘挑辦功迄未就朕以黃水倒漾非
開陶莊引河更無善策因命薩載詳細履勘隨繪圖貼
說奏聞復於園內往返指示自丙申秋興工至丁酉仲
春工藏開放引河溜勢暢達河成命建爰敬河干修廟
河神廟以答 神佑詳見御製碑記

恤永祈

神佑福民長更疏北岸防沙逼仍葺南隄挑水障

庚子三月

阿桂於豫工合龍後至行在復命因令會同薩載查勘
北岸陶莊新河據奏新河兩頭已寬至九十丈其中段
僅寬六十餘丈請於北岸再開寬四十丈俾一律深通
伏秋大汛暢注下達其陶莊南岸木龍復經指示改建

三架以期刷沙
挑溜均為有益
是日齋心謁

靈宇先春額手肅清薌合龍庚子歲叨

殊宥

庚子南巡於二月初十日渡黃時展謁陶莊河神廟竭誠默禱旋據阿桂奏十一日兩壩自行合

龍黃河順歸故道之事及阿桂來行在細詢情形具奏二月十一日儀封漫口未合龍以前金門尚濶三丈水深十一丈餘至午時忽報南壩沉墜驚往勘視則南壩埽根全勢移走陡與北壩接連爾時見機有可乘隨趕緊填壓不三四刻立見斷流兩載勤劬收功復舊癸卯片刻實由河神默相非人力所能到也

年荷篤慶

儀封青龍岡漫口屢經堵築未就因命阿桂於上游南岸相度為改絃更張之計隨據奏

請在蘭陽至高邱一帶添築大隄開挑引河昨春正月復命阿桂前往於三月初一日督同開放引河奔騰掣

溜暢注故道至十四日斷流金門
宣導無能頻賴
合龍一舉歲工實荷
神庥默佑

惠曰虔曰悚兩增惶

閱木龍再疊乙酉韻示總督薩載總河李奉翰

架木為龍往歲成

清口木龍自前河臣高斌於乾隆五
年奏請在南岸
御壩迤下建設

木龍四架挑溜
護灘甚為得力

圖於清口禦侵清河流期永北岸順沙

刷仍應南壩營

木龍之設原以挑溜掛淤俾抵禦黃水
不便侵入清口自乾隆四十二年陶莊

新河既成黃水直北趨下不復有倒漾灌清之慮薩載
入奏於陶莊新河峙家莊南岸移建木龍三架添建挑
水壩一道以期挑溜北
趨亦因時制宜之計也谷度無非萬民計周防常切一

心驚天工人代垂明訓責在君臣共勗誠

觀清口出水誌三疊舊作韻

昔年清敵黃所慮黃灌壩後乃改陶莊各行向東送

昔年

清口蓄清敵黃惟虞黃水倒灌自丁酉春移改陶莊新河溜勢暢達東注去清口較昔遠五里於是永免倒灌

之患清口惟出清益易為蓄縱自從定水誌

向來河臣率皆新折清口

其東西兩壩雖稱蓄清敵黃隨時拆築然司事者絕不肯大擴清口恐千多費工料之議自壬午年三次南巡

親臨相度始定清口出水誌

惟微費柴葑下河免昏墊所全利實重

五壩率未開幸免為壑供三巡來往茲殷殷念民痛熟

籌乃定議自任斷聚訟

前此河臣不肯拆清口惟啟五壩以洩洪湖盛漲下河一帶蓋

無歲不被偏灾自壬午年酌定以高堰五壩水誌高一尺清口即開放十丈為準俟秋汛後洪湖水勢既定仍如常接鑲口門河臣等恪守此法數十年來下河不受水患田廬頗資利益河臣守此法先

事防而用所以數十年洪湖預留空幸在護民田肯詡

言之中其間惟戊戌河決南岸動洚流入洪湖鯨波甚

凜洶清口雖大拆瀚灝勢猶衆乃一開五壩燃眉救愁

惚

惟戊戌年豫省漫口之水入賈魯河由睢河渦河匯歸洪澤湖水勢陡長雖大開清口兩壩尚宣洩不及

因諭令薩載等於五壩留心預籌尋據奏清水勢大以次開放五壩仍命先期申諭吏民為之以漸不致潰溢

為患幸其時下河早禾已經刈次第先諭民無告免申
獲未成大災然可一不可再也
控可一不可再慙吾善經綵蒿目切民艱翕河漫虛頌

閔河六依

皇祖詩韻

閔河往返六經營行所無行仰

聖行救弊補偏亦何藉拳拳惟慎守其成

惠濟祠

河宗穩渡紫霞舟魏煥

靈祠見舉頭五載一巡瞻廟貌民安物阜仰

前猷清南黃北居中奠平地成

天永世庥曰感曰欽念何已穹碑七字又教留

清江浦

緩御輕輿駐水營明當安福

安福艦御舟名

啟行程吳江浙海

胥厓意問俗觀風敢懈情榮戟扼津慎守禦

總河衙門建於此

閭閻撲地計寧盈陶莊改後黃逾遠此日清江果是清

慈雲寺瞻禮疊庚子詩韻

玉林建寺碧雲漬

慈雲寺為順治年間僧人玉林所住
小菴雍正甲寅

皇考命淮闕監

督建造遂成大叢林
賜額曰慈雲寺
追封玉林為國師仍令其派下承接云

皇考重修題額文

當日檀那在提唱至今苾侶孰殷勤徒因路便遊而涉却

以昔緣戚弗欣

茲寺

皇考賜額每此經臨俱恭奉
慈寧瞻禮迴憶昔巡祇增感切是

以庚子詩有已是拈膺思昔日
那堪翹首望
慈雲之句

此

岵並瞻切悲念金剛徒憶曰如雲

世通行者金剛六如為
鳩摩羅什所譯夢幻泡

影露電梵經留支所譯又有九如如雲如星如翳如燈四者合前夢幻泡露電為九如而無如影之支

閱老壩

老壩本土築辛未命改石

老壩舊係土築辛未南巡命河臣高斌等勘估易以石工

癸酉幸免患甲午終致厄

自老壩改建石工後節年保護鞏固癸酉年河淮並漲淮

安幸得免患至甲午秋外河南岸老壩口隄工漫溢大溜全注決口板閘淮安一帶被水房屋人口俱有坍塌

城垣幸而未頽隨飭一面撫恤一面趕緊堵築於九月初八日開工至廿八日合龍城市居民安業如故幸

弗自詡功厄弗咎無益惟是慎修防俾民安枕席

閱淮安石隄四疊前韻

禹行水無事率並歸之海後世喜用智患多勞更倍然

而今古殊亦難怪沿改土隄易以石實在辛未載

淮城西北

人烟輳集舊雖有土隄難資保障辛未南巡過淮亟命改建石隄勅河臣高斌等勘估建築及癸酉河淮並漲

淮城幸賴石隄得全

亦惟救弊耳何有泥乘橈法遵

皇祖垂議鄙安東委

淮安府境當河淮交會又為運道咽喉關係緊要前明督漕侍郎吳桂芳

建議黃河衝決駁駁欲奪安東入海安東衆流匯圍其勢垂陷不如棄之以拯全淮時雖未行然其論迂謬可

鄙我朝定鼎以來

皇祖六次南巡徧歷河干

睿謨廣運首開海口以導黃注海次闢清口開六壩築高堰以障淮敵黃改運中河以避洪流之險挑直黃河各險工使水直行刷沙又疏浚引河增修埝壩隄工區

畫精詳具載治河方畧中河臣遵守規
制黃淮底績由是淮南黎庶咸登衽席
靳輔及高斌慎

守頗具楷

本朝善治河者首推靳輔恪遵
示機宜開運中河以避百八十里黃河湍悍

皇祖指

之險又大挑運河陳經理河工事宜八疏勞績茂著高
斌才雖不及靳輔而辦理河務亦能盡心如毛城鋪所
以分洩黃流於徐州設水誌必至七尺始開至三滾壩
洩洪湖盛漲高斌堅持堵閉下河屢豐其功自不可泯
癸酉賴以安甲午竟致殆

癸酉河淮並漲幸石隄保護
淮城藉以安全至甲午八月

外河南岸老壩口漫溢大溜全注決口淮安板閘一帶
俱被水淹當飭趕緊堵築自九月初八日開工至廿八
日合龍城市居民遷歸樂業兩
旬功歲實荷天佑神助
亟命堵築之已成可中

罷廿日竟合龍飛報心為愷惟時籲

金匱要略卷二十一
天佑往事憶猶駭

過淮安城

清浦開舟行不遠
郡城堦堦見淮安
輕輿露冕任瞻覲
膝下無殊赤子歡

寶應縣詠事

上元獲寶縣名改其實已難定
假真便使果真為瑞應
牝鷄可得救司晨

按高宗在位三十四年而改元十四
上元三年以獲

寶改縣名為寶應夫三十四年中凡十四改元則一元中不過三四年雖圖以鼎新為瑞耶予以為其年不永非瑞乃不祥之兆耳且其時臣民難以紀年歲亦何瑞之有比如市井所謂開張店面之為徒資笑鄙至勝朝及本朝不為此惟以一元紀實誠足為萬世法也

過高郵州

古邑嚴城稱覆盂覆盂之義可思乎以云射物堪嗤彼

若擬安邦實切吾老幼喜看圍蹕路香燈何必滿通衢
四隅近水真澤國百室求寧慎永圖

閱南關車邏壩

南關及車邏計洩洪湖漲清口定誌後封土恒一樣惟

值戊戌潦無已為一放

先是洪澤湖水漲必由山圩五壩洩之高郵等湖復不能容則

由南關車邏等壩東放下河每受其患壬午南巡閱視湖河情形始於五壩酌定水誌如壩誌多過一尺即將清口拆寬十丈湖水以次遞長則清口以次展寬俾清口既暢湖水宣洩有資車邏壩始得永遠堅閉二十餘年來下河得免水患職此之故惟戊戌年儀封決口黃水由淮入洪澤湖不得已始啟山圩五壩以洩盛漲由

此逆歸
下河

然先屢頒諭閭閻漂蕩早田幸復收賑借並

行貺

戊戌開墾之先預飭該督及總河等先期曉諭俾閭閻得早為遷避不致漂蕩又幸彼時早禾已收

晚禾補種無多復令將成災之極次貧民分別展賑並借給籽種口糧以資耕作

豈能免向隅

迴思切惆悵

上方寺

維舟暫據鞍老幼任從觀如子遇父母同心發喜歡上方莅非遠古佛謁修檀傍室頗點綴多哉弗耐看

竹西精舍

上方寺側構精舍杜牧詩情繪竹西筠徑宜吟猶在曲
梅庭入畫欲開齊可憐春事將昌矣為囑江南且慢吟
歌吹揚州唐已是借他空色偈全提

至維揚即事

維舟易馬策巡繯古寺先因到上方

舟行至揚州城北
易馬先謁上方寺

瞻禮遂由陸路
至香阜寺命舟

更復花宮易輕舫遂由溪路至行堂

登舟

由內河行至天寧寺行宮行
宮內書堂向名之曰大觀

山情水態還如舊卷舞戶

歌覺倍常在此即當言此處民風須識尚輕揚

駐蹕天寧寺行宮三疊舊作韻

舊有行宮古寺邊
曰門曰徑宿知便
觀民仍復來斯日
題句分明識昔年
春景物華繪天寶
梅心柳眼入時妍
又何加富要惟教
即景思之祇惻然

題大觀堂

設教省方標二義
要惟不出義顯孚
因之兩字堂額此
惟是一心銘戒吾
祇取樸淳供憇息
微嫌藻績太紛鋪
我生觀在觀民也
朱註雖通予意殊

觀之九五象曰觀我生觀民也朱註謂不但觀一身
之得失又當觀民德之善否是分為二矣蓋九五為
君象君與民原一體民之治亂係君之得失休戚本
相關未有民失其生而君得安其生者因題大觀堂
申其說如此

萬壽重寧寺紀事

天寧寺後建重寧衆志殷勤未可停

昨歲兩淮鹽政伊
齡阿奏衆商顯請

於揚州天寧寺寺後增建寺宇以申忱悃念
其出於至誠因俞所請賜名萬壽重寧寺

祝頌雖稱

七月什莊嚴過甚梵王經却看植竹還植卉奚必有池

更有亭太守閒情留嶺在

梅花嶺在萬壽重寧寺旁府志載明吳秀守揚州時開濬

城壕積土為嶺樹以梅因名梅花嶺幾株仍剩古梅馨

題春熙堂

重寧寺側堂詠蕩藹韶光老栢蔚今色時梅發古香玲瓏湖石徑淡沱繡漪塘適以春熙額同民樂未央

俯鑑室

淶水泌圍階文鱗遊可數匡床近階置鑑影座中俯開

奩照鬚眉覲面忘賓主設云堪喻民其情大可覩

琅玕叢

琅玕叢裡小迴旋憂振聲清勝管絃如以雲棲幽逕擬
設施終覺遜天然

題慧因寺

萬事不離因一念應於慧知因超能所解慧脫蒙翳因
慧非兩途慧因無二致詎惟內典然繫辭見周易仁者
謂之仁智者謂之智

倚虹園

畫舫沿溪盪桂橈題園因近倚虹橋武夷九曲擬非謬

陽羨何年縮不遙

風土記陽羨亦有虹橋

真水假山頗遠俗紅花

綠柳已含韶新名舊號難究詰廿四中知第幾條

吳中數橋

以一條兩條計之

九峯園

城南背郭區野趣攬斯須三徑原宜句九峯列在圖
瀟然似小境犁若異塵衢源自平山放湖游烟舫紆

澄空寺

草河

源出平山
流為草河

流此匯成湖湖上亭軒儼畫圖圖在鏡

中人俯鏡澄空一片性靈俱

遊康山

新城南界有山堂

康山在揚州新城南門內高三尺許
無石骨當是昔時踈濬運河積土因

構築山堂志書不詳
所自亦考證之踈也

遺蹟其人道姓康

康山云因康海
落職後來此燕

飲董其昌題名

曾是駐輿憶庚子遂教題額傲香光

庚子年南
巡駐蹕時

因董書康山草堂額筆法殊不類香光遂
傲董法重書康山草堂四字題額賜之

重來園景皆

依舊細看碑書未異常

草堂內復鐫有石刻米芾款城市山林四字筆法無奇亦似偽

作

述古雖訛近文翰一遊精鑒不妨詳

倣董其昌書對山樓因成口號

草堂前度辨其假今覺對山亦未真

康山以康海落職後來此燕飲得名

舊有康山草堂四字額款署董其昌書然筆法實不類因倣董法重書四字賜之庚子南巡有即事詩辨其偽茲重遊康山見有對山樓亦署董書而偽更甚因復仿董法書額以賜更倣董書為題額

他時應有識真人

題淨香園

治園得號本因蓮此際花遲春仲天碧水中寧無藕在
心蓮香淨豈非然

怡性堂

步入琳瑯徑書堂我所顏淨迎綠坡曲香待碧波潺

是園

以竹淨荷香得名竹則未秋荷仍待夏也

窓外真筠攬座中假竹攀

是處庭中植竹

座間復刻木為琅玕

虛虛實實處怡性色空間

青琅玕館

問底泠泠拂耳過琅玕叢裡奏雲和莫嫌个个聯肩臂

君子由來豈厭多

趣園

沿隄柳葉護梅花步入溪園清且嘉此是揚州絲管地
可知日涉有陶然

半畝塘

在趣園內

借問何成趣趣因竹及梅竹香留去聲冬翠梅野笑春開
半畝波不作一奩影與陪天然澄照處五載偶重來

蓮性寺

四面波圍一嶼迴蓮宮示性額楣懸春光六月花未放
未放句誠提以全

功德林口號

平山左側聳雲岑梵宇向稱功德林度盡衆生始成佛

兩言未識佛初心

佛之深願度盡衆生方成佛
道則功德二字佛所弗居也

遊平山堂疊壬午詩韻

大觀堂外命輕舟一卷圖中作勝遊

向有平山一卷圖畫之諍

恒此

尋詩為即景不妨認性且隨流

隨流認得性
出禪宗語錄

因如且慧不妨有慧豈依因本自無

行宮右側即慧因寺登舟必由此

輸與寺僧粥飯罐即曾於此做工夫

平山數典憶前朝六一風流事未遙記取維揚歐氏宅
不殊閩海蔡家橋

木蘭不藉棹歌聲黃鳥音傳烟柳橫故事何須舉柑酒
生生萬物遂其情

南來初見此平岡濟勝依然步不妨祇事詩情輸韋

莊

杜牧

那更畫意學倪瓚

王

蒙

金剛經
卷二十
寺傍精舍八窓空
騁望來途一水通
海濶天空點也意
笑他綴景太求工

豫遊回首不堪思
豈謂今來獨憇茲

聖日

有
皇祖御
書賢宇清風堂

慈暉徒憶昔行雲
流水可觀時

黔黎雖聽頌聲揚
却我猶慙一德涼
老矣不期重問景
吟留八首賞烟光

文滙閣疊庚子韻

天寧別館書樓聳向已圖書貯大成

此閣成於庚子亦仿范氏天一閣之

式為之曾頒貯占今圖書集成全部

遂以推行度四庫

壬寅秋以四庫全書分寄文淵文溯

文源文津四閣者均可按期藏事因思江浙人文最盛士于願讀中秘書者不乏允宜廣布流傳以光文治救於揚州之文匯閣鎮江金山之文宗閣杭州聖因寺之文瀾閣各貯四庫全書一分俾士子得就近觀摩並飭發內帑銀百萬於京師僱覓書手繕錄全書三分驛致奔閭以昭我國家藏書美脩教思無窮之至意

況

因舊有匪重營西都七畧江干現東壁五星霄際擎却待鈔完富驛致文昌永古煥重費

命頒布四庫全書時許願讀中秘者抄錄毋靳詩

以誌事

發帑增鈔書四庫更非捷徑為崇儒

前因江浙為人文淵藪特命繕寫四

庫全書三部分并揚州文匯閣鎮江文宗閣杭州文淵閣俾士子得就近鈔錄傳觀用光文治其鈔錄書手皆

特發內帑僱覓不致濫邀議叙為仕途捷徑也擬公寒士廣聞見預禁守臣嚴

護符

全書繕竣分度三閭後恐地方大小吏過於珍護致徒供棟架無裨觀摩因復降旨曉諭有願讀中

秘書者許其陸續領出廣為傳寫但令督撫等派委妥員董司其事設立收發檔案登注明晰不致遺失舛錯

俾多士得殫見洽聞以副朕樂育人才稽古右文之至意宸博三倉實富矣精英二

酉任觀乎欲期寰宇敷文教濟濟明廷治贊吾

塔灣行宮六依

皇祖詩韻

最古行宮樸不華

奎章拈韻六之麻

塔灣行宮乃宮規制樸素曾經

皇祖南巡時所幸舊御題詩用六麻

韻恭依廣和者亦六度矣

一心無繫於何繫四海為家即此家熟路重來識堂構行

春寧為賞烟花

庸歌六次依成句擣筆於斯興正奢

題承煦堂

高旻寺側開行館

是處行館建於康熙四十二年

來往於斯駐蹕常庚

子當春攬雨意

前番駐此逢雨

甲辰即景喜曦光

是日晴

松蒼竹

翠天然朗茶朶梅英自在香萬姓歡欣承

煦嫗由來

皇祖聖恩長

得閒堂疊庚子詩韻

古稀有加四步履尚能強遂造山房迴平臨烟野光柳

陰欲籠院梅馥不藏堂閱五春秋矣爾閒我祇忙

塔灣行宮五依

皇祖示江南吏韻

奎章五依韻雲館六番經階俯青蒲刺簷齊綠竹亭念民
心有惻訓吏視無形遊豫非玩景欲吟筆輒停

過瓜洲

錦春園外換江舟渡指金山路不修

向午出瓜洲西運河口渡江水面寬

潤距金山行宮較遠前歲據薩載伊齡阿等奏以瓜洲城中有跨河一道上通運河由關下達大江若對渡金

山計程止二三里繞越長江之險兼避江面之寬商民
來往均為利便等語因俞所請開濬茲舟行經過果覺
較前近捷且避風靜浪平藉中泓大溜云

神佑漕艘商舫愜羣謀鎮城自古衝而要民舍於今富

且稠詩話寬夫蔡傳置閘却憐潮不到揚州按蔡寬夫詩話潤州

大江本與揚子橋對岸而瓜洲乃江中一洲耳故潮水
悉通揚州城中唐李紳詩云揚州郭裏見潮生自瓜洲
以閘為限不惟潮不至揚州亦不至揚子橋矣云云今
瓜口雖有由閘之名而來往經臨實未見閘況江潮盛
長亦非一閘啟閉之所能限制向嘗作廣陵濤疆域
辯訂正訛悞亦見記載家附會遷就每不免失實耳

欽定南巡盛典卷二十

欽定四庫全書

欽定南巡盛典卷二十一

天章

甲辰

江南

詩

金山寺六依

皇祖詩韻

六臨浮玉又春和弗少

虞巡亦弗多

敬遵

亦六度

南巡

皇祖

時邁治河遵

舊制瞠乎莫及愧維何

遊金山寺六疊蘇東坡韻

岷峽濫觴詎本源自源更在剛底海

自禹貢言岷山導江厥後系經鄧注及漢宋諸

儒並云江出岷山皆圖於內地見閭惟胡渭著禹貢錐指引明徐宏祖傳稱其平生好遠遊作溯江紀源一篇以岷山導江特汎濫中國之始其發源則自昆崙之南其說定得之目擊云按昆崙即今西藏所謂剛底斯又通典稱阿耨達或曰崑崙漢語都龍王也茲詢之西藏鼓珠爾湖圖克圖堪布桑齋鄂特則爾稱剛底始在西藏阿里克之西週圍有大海名瑪璊巴係四大部洲衆水之源難陀龍王所居等語難陀即通典所稱阿耨達也據此則江源在剛底斯由金沙江會入蜀江歷歷可據其源並不止出於岷山義復何疑向賦四清詩亦曾詳志辨識之

入中國此近東瀛湧出砥柱惟斯在妙足

如現兜率陀德水四繞無雄波鹿苑雁塔羅高下包山
之屋由來多為憶坡翁維桂楫應是離朝往南日相於
佛印一談禪不妨飲酒酤顏赤牢騷志記攄文魄江心
炬火照深黑藥枯蘓句深黑片時為朗明用遷意耳無須驚
蓋用司馬遷屈原傳王明並受其福之意
物終古鎮此氏父山介甫有權難笑頑青苗新法論不
已祇今亦付東流水

鏡治齋作歌

昆明有閣曰治鏡此地有齋曰鏡治胥以俯澄而得名
治鏡鏡治非二義鏡之於古誠未逮鏡之於今實增愧
未逮增愧之不遑何可腴顏云治遂然而時存此愧心
庶幾無大隕越致

題文宗閣疊庚子詩韻

庚子南巡閣已成香楠為架列函盛

庚子南巡時金山文宗閣已成貯古

今圖書集成全部

鈔胥聊待數年閱數

上聲

典應看四庫呈

先是辦理

四庫全書分度文淵文溯文源文津四閣嗣因辦有就緒可以指期藏事於壬寅秋復降諭旨發內帑催覓書

手再結全書三分安置江浙之文滙文宗文瀾三書借
閣俾東南士子得就近觀摩且許鈔錄以先文教
一甌寧酒器冊藏二酉富芸薈惠嘉南國崇文地尚最
尊聞知所行

金山五疊舊作韻

灰步遙瞻曉岫青到時仙境悅神形甲辰六度巡斯歲

自辛未丁丑壬午乙酉庚子迄今甲辰敬遵
皇祖六舉南巡之典

庚子迴途

佑藉靈

庚子南巡二月駐蹕時初加金山靈區安瀾
恒佑宏仁廣濟至德尊神封號有年風靜浪歌

回鑒復至金山登妙高臺詩有是日渡江迴
風平浪不起之句往來順逆實邀神靈護佑
昔去今來

觀造化水流雲在孰遷停

奎文鼎屬重欽讀

金山有先欽誦是以辛未詩有拱讀宮碑欽

皇祖御碑每渡江駐蹕必

聖孝法昭百世慎臆聽之句

萬古輝輝照紫冥

萬千劫裏天接水一大圓中水上天

昨歲為雲上於天解為雲即水也音

義家讀上為上聲因有雲氣上升於天之語是雲仍在天之下矣蓋上字應作去聲讀為上下之上天為圓體元氣運之以行日夜一周而不息知地之在水上則可知天之在水下天無不包此至平至易之理不必求諸神奇也茲因駐蹕金山益恍然於水天相接之義

於此自然能遠俗到斯誰不

曰登仙抹塗已具十二首來往忽經卅四年

自辛未初次南巡越

今甲辰凡三十四年金山二首
凡五疊舊作韻亦十二首矣

閣筆合哉興猶勃還當

坡韻重賡連

太古堂

太古堂前一株梅步來滿院香風起斯之幾度致弗一
或逢未開或謝萎今番所遇實正佳深白淡紅萬枝委
和而不同具秀野冶以為韻非綺靡或有意博詩與畫
古稀無暇且老矣

於金山禮塔五疊登塔詩韻

欽定四庫全書

欽定南巡盛典

卷二十一

此番塔頂未登尖年至古稀有四兼何必陟攀誇勝濟
祇宜安靜養心恬江山槩亦全供覽詩句篇原取次添
一佛名該千億佛下層禮已悟花拈

自金山放舟至焦山六疊蘓東坡韻

弗肯深居九戶耽載言于邁江之南翕河觀民法

聖祖巡數

去聲

亦符兩其三曰耕侯未逮浸種曰織時亦遲

育蠶未妨民務民全集歡欣瞻就憐以慙昨日金山駐
巡楫今朝焦山問林潭大江中矗雙玉柱千古永荅吟

情酣順流一舟到頃刻調御默座無言談三乘十二部
包括莊嚴豈在琉璃龕而況左廂行館麗質之焦隱應
非甘固知商力非民力冀檀白足寧辭貪即景欲詠詠
則慙促廣蘓韻歸棹堪香牋佳墨懋勤供書之粘壁留
松庵

清寄堂

梵王宮左廂行館建昔歲每來實未駐片時聊息憇松
栢既蒼蒨庭徑致深邃乃知天然佳夫何勞點綴言忘

塵益遠神謚清自致五字泐書堂萬古於斯寄

竹樓

迤東步步入琳瑯拾級登樓聊騁望我有憂民心不了
豈能高志學黃岡

海門菴

海門東望接扶桑不擬求仙路渺茫此地古今無別慮
一心遙繾浙江塘

遊焦山作歌四疊舊作韻

採薪汲水僧兩三

用東坡語

爾時有山未有屋世忠

韓世傑

張

屯其軍

見宋史

亦以邀敵伏山腹南渡稱姪過於兄金

源原是揚靈聲至今都付東流水何足甲此而乙彼孫

吳曹魏更小哉如彼交蘆遞眠起即境詠古則且置放

舟問景亦蒞止梵寺行館胥熟路山色江聲故如是昔

來辛未今甲辰

自辛未至今甲辰

凡茲六度巡蹕勤廿四年間

事已夥靜觀底是紛而紘古鼎歌

焦山寺中古鼎相傳為周時器辛未南巡

曾和沈德潛韻作焦山古鼎歌又山麓瘞鶴銘
原刻文多剝蝕丁丑南巡曾手書一通勒石

瘞鶴文

何殊流水與行雲青玉塢尚青林盪塢出幽僻曲逕分
民居僧舍互吐吞焦山之遊止於此泐石翠巖以待千
載遊客聞其聞

甘露寺三用張祐韻

枕嶺有高寺過江無點埃陡思庾子別復此甲辰來佛
鳥窺經冊天花落講臺清詩讀承吉心地一時開

策馬過鎮江府

古稀露冕尚鳴鞭為洽民情瞻比肩大有義焉非惠小

後斯樂矣本憂先因他愛似勝於畏致我觀之益切憐
天塹長江南北界一家今可此言捐

登城霞閣四疊舊作韻

傍岸駐舟蹕層樓近水衢曰遊因舊蹟其建匪新劬

城霞

閣在丹陽縣上有董其昌題額蓋明季所建矣

景概宜詩句山川入畫圖天晴

遙見海民俗已為吳鳧藻耒老幼鵠歡任笑呼副予懷

保意施惠法春蘓

古實兩孫邑

謂孫策孫權

今為異姓衢

俗又名三義閣中祀漢昭烈帝左右祀關

帝及張桓侯

有譽三代直足荅幾年劬蜀據懷遠略魏征韞

永圖奈天不祚漢惜地盡歸吳俎豆依然列精神若可

呼歷賡六十韻

足詩五言六韻二首四疊舊作則六十韻矣

別舫指姑蘓

夜雨

三月初三日

上已無須脩楔為惠風河露畫圖披蒸看過午一川暖

釀作濃雨四野垂入夜連纖歌枕聽間

去聲

時作止打舡

遲江鄉雨弗雨昏可北省遙祈渥澤滋

江浙等省新春雪澤霑足此時

雨弗雨皆可惟山東河南及直隸迤南各府現
吟雨澤晚來北望雲氣甚濃惟冀甘霖普渥耳

遊寄暢園三疊丁丑舊作韻

那能此地目飛鴻境古而幽與理通山色泉聲清賞外

昔年今日默思中問他王

紱

顧愷

畫曾擅便是杜鵑

璫

句豈工促就詩休論巧拙右廂去禮梵王宮

惠山寺五疊舊作韻

梁溪開舫見遙螺稍近叢雲梵宇羅寄暢園尋幽徑暫
惠山寺入繚垣多禪林不礙獅音唱古稀依然鳳尾娑
五疊韻成詩六度止斯適可厭過那

圓池

圓池圓象天泉源清冷然豈必拘上下易象稱為編

謂乾

上坤
下

方池

方池方象地折旋產玉粹九龍昔在茲樂饑俯洋泌

過無錫縣

得句九龍騁暢觀梁溪順水下清瀾徘徊因命蹇維舫
矍鑠依然遂據鞍踵接肩摩真是庶衣豐食足為思難

古稀天子猶乘馬老幼就瞻益忭歡

至蕪州策馬入城據鞍得句

庚子南巡正七旬今來有四度芳春維舟策馬仍康健
露冕觀民一切親俾畏如何斯俾愛忘懷那肯便忘仁
黃衣問歲八十六

一老民著黃衣命侍衛賜銀似汝歲牌問其歲曰八十六歲矣

方歸政辰

凝懷堂四疊舊作韻

明瑞司織造三處貢龍衣草矣茲供職

明季以內監司織造擅作威福

援累滋弊不可勝言我朝則江寧蘄州杭州織造雖仍
明朝舊制而非用官寺惟以內務府司員簡用其職止
司稅及供尚衣御用與各項賞賚綴疋殊乎彼擅機官
之事一切地方事務概不許與聞也

衙作行館體憩驗心微五字留別什千年依德輝

六度南巡

之事既藏亦不
再擬命駕矣

遊獅子林三疊舊作韻

粉本石渠藏手蹟

倪瓚舊有獅子林圖已入石渠寶笈
曾做其筆意重摹一本奔藏吳中

寫雖應手運因心真山古樹有如此勝日芳春可弗尋
然豈耽哉斯灑灑所堪嘉者彼林林出遊圖便民瞻就寧為

夾途絲管音

題虎邱雲巖寺

一卷平地起林間遺蹟難尋吳越書劍氣金精久寂寂
禪枝慧草祇如如休稱應接真無暇可識虛空自有餘
調御丈夫魏相去聲好去來今合掌相於

靜觀齋

靜觀齋額耀

奎文訓及千秋

聖意殷歌舞叢中其莫繫饑寒念裏要於勤

含暉山館

寺側接山館遊餘小憇便含暉復今日題句憶前年駒
隙一何速蜂臺本不遷試看無住住大士坐如然

虎邱寺六疊蘓東坡韻

蘓城建平地本自少山嶺一卷矗武邱作鎮俯閭井我
來凡六度六疊蘓韻耿頗愜水與乳詎論鼃和黽故事
徵率遍金總不離曠茲覽五人墓實足嘉義猛魏瑄擅

煬竈其志無窮騁緹騎為家奴順昌氣顏哽五人攘雄
臂奪取以俄頃終焉飲屬鏤頸血灑風冷身縱一時亡
名乃千秋永靜言觀其時國政成何景羣小恣意為捕
風更捉影天啟真童騃楊漣徒奏請

遊支硎山三疊丁丑舊作韻

增山趣固以山泉勝數

上聲

支硎亦有年落瀑響宣梵宗

偈平池照徹鏡光禪拈花提泯全和半食家甜同中與
邊喚起上人擬一問適來七字否乎然

支公菴

山光樹色無今古流水行雲有送迎
馬去鶴飛消息絕巖菴猶紀遁公名

題寒山別墅

宦光當日傳名別墅水秀山清充隱雖非皇甫樂饑殊
異淵明

綠雲樓

山樹及田麥均堪稱綠雲樹惟供攬結
麥實係耕耘一

因時所發一因力之勤收用亦自異資食麥娛觀樹分

登樓睥目間高下殊品云

飛魚峽四疊舊作韻

飛魚長一尺即似翼生然息便潛深水奮能躍上上天聲

人稱有縮地物亦可登仙寄語傳奇者慎哉紀寶賢

戲題馳烟驛

馳烟驛本寓幽人隱亦當徵其假真吳下富翁樂山水

宦光曾此會嘉賓

按朱彞尊明詩綜稱趙宦光字凡夫吳人饒於財卜
築城西寒山之麓淘洗泥沙俾山骨畢露高下泉流
凡遊於吳者靡不造廬談讌廣為樂方云云宦光託
名隱逸而梯巖架壑構築精雅甚且倚其貲財廣結
交遊因以欺世盜名豈可與陶潛司馬承禎之流同
日語哉

對瀑四疊前韻

於此悟道源石皮泉則隨復笑涉多言水那以水洗

寒山千尺雪五疊舊作韻

吳中多水少者山山已佳復加有泉是謂合撰乘最上
乘最上者真之源即今我来凡六度無不長言其妙詮
然而其妙豈易盡永為萬古遊人緣宦光別業固好在
屏以秀嶂帶以淵嫌淵自淵嶂自嶂聯為一氣瀑落巖
妙斯盡矣觀宜止欲泯尺宅與寸田長韻五疊東坡效
笑東坡遊此未然題罷擲筆聽泐壁付他蘿蔓苔侵間

聽雪閣五疊舊作韻

雪花落自天安能至澗底聽雪閣之雪直透不窮耳名
雪勝實雪似較一籌美所以世間人求名無底止那顧
其實非徒驚其名喜溪閣一靜觀格物致知始然不出
煩言點筆亦宜已

法螺寺

法螺致幽閒徑路亦寬窈其傍精舍添乃自宏謀造

法螺

寺在寒山向年舊有梵宇壬午年陳宏謨為江蘇巡撫
復於其傍增置精舍有今來殊所觀亦頗事點綴鳩工
非庶民施檀云大吏之句殊弗以為避成事不說告此後每煩來頗

堪暢吟眺菴中坐調御拈花亦微笑却匪示別傳似笑
莊嚴闌

遊高義園

名園弗一足高義獨稱薌豈不因行

去聲

懿寧惟擅景芳

座陪梅馥細隄拂柳絲長春色已如許農工雇悞忙

駐驂靈巖五疊舊作韻

虎阜華山此據中行齋久懸

去聲

禹卑宮到來左側花龕

謁施轉右廂松逕通映座太湖一片碧繞階雜卉幾叢

紅何當望夕斯來愁

是日始三
月朔日

滿月先瞻湧海東

臨湖榭

寢閣西邊更近南廓然虛榭構盈三到來必此片時坐心
與太湖一片涵

水天上下澄無盡心目空明靜有存今古寧須徵故事
忘懷那更說忘言

穹窿山上真觀再疊乙酉韻

道書撰述真不真敬

天瞻拜宜躬親高居絳節吟昔日

謂杜甫

重到玉臺謁北辰

求福豈緣為一己祈年祇以利萬民
扈蹕大小隨疆吏
思艱遂用諸臣隣

鄧尉山恭依

皇祖松風水月四疊舊作韻

四字貼

宸藻五言首咏松每教神會別那避
句儻重友處香非遠
映來翠更濃陶家樓上者此景可存宵

右松

李諤薄時態惟稱雲與風看吹香雪白似勝軟塵紅一

岳戶為隅幾枝春自融錦囊未拈得空說鑿崆峒

李賀
惱公

詩有今日鑿
崆峒之句

右風

韻宜滃濛風影定橫斜水詩傳林氏仙賦薄曹家子

洛謂

神賦品固超草木神自通表裏弗言梅概梅敬識

愛梅旨

右水

青邱擬美人謂是特輕月靜對香水溪那管曾來越得
句鄙玉肌引興惟冰骨擲筆尋迴途此後吟應歇

右月

鄧尉香雪海歌五疊舊作韻

婆婆遊興不淺吾歡新未可忘其初唐子西蹟經綴景

云鄰鄧尉言近誣

唐子南巡時前江蘓巡撫楊魁奏進西蹟山程園圖云在鄧尉西北山溪

窮曲泉石殊勝且南去太湖不百步可供眺覽等語彼時即覺其踵事增華而成事不說若不一至未免孤其

誠懇因往返九十餘里中途跋馬北還行館時已過午
轉以時刻匆遽未獲細領香雪海之勝隨諭該撫將程
園絡還原主有園應還是日往返九十里弗與而馬鞭
故主吾弗更去矣之句

袖舒翻嫌忽遽捨此去未曾細領香雪模明諭具園歸
舊主一臨不再行鑾紆茲來乃得畢勝槩得門而入原
熟途化人寺裏瞻相好減從底用七萃超石側精舍甚
幽絕適可片刻憩幾餘筆墨精良妙五合一缶恰在供
吟娛遙看萬雪堆銀湖近領鼻觀叅清殊若遠若近豈
有別曰色曰香任彼輸昨為文解雲上需

昨歲作雲上
於天解以上

字應作去聲讀是坎在上而天在下也蓋天為圓體元氣運之以行日夜一周而不息知地之在水上則可知天之在水下其在水下之時非坎上乾下之需乎知天有在水下之時則若地雷若風火山澤均有在天上之時此八卦本然之象也舍萬里一以貫之然則香雪海之在地上亦大圓鏡中一自然之象矣

包含

萬里何親疎眼見雪海會一貫好奇豈我論舛脉速成長歌命蹕返記予六度來臨吳或擬獲麟亦可夫

上方山楞伽寺

寺據上方山楞伽額久顏登來極頂表遊趁一朝間誰解三乘義難叅八見還太湖萬頃碧祇在俯臨間

石湖八絕句三疊王寵題周臣畫簷頭韻

橋過行春春可憐
許公麗句宛如前
韶光有脚紅匝地
湖水無邊碧接天

山半石湖濤下流
微風拂處亦瀾浮
却嫌前後屋圍護
未肯飄然下野鷗

幾朵桃花照水開
那論千瓣與重臺
間吟七字相看處
真是不孤此往迴

石湖號以石湖成叅政誠看富貴輕幾百年猶鄉姓氏

江山却亦未孤情

保障由來勝繭絲
訓官此義不輕移
夾輿試看黔黎意
總是懷中女與兒

海潮菴後石崖強
崖頂佛宮宛若翔
生面別開周氏畫

不從倪范問津梁

曾倣東邨畫簾歸

周臣歸東邨畫簾有王寵題八絕句
弄存石湖行館乙酉唐子及今甲辰

每至必展閱凡三疊韻向曾倣其
畫意以歸今置圓明園之池上居
每當展閱興軒飛在

前真者茲親炙未免遜他具體微

雅宜八首詠烟花書法那論泥與沙

張旭云用筆如印泥畫沙貴藏鋒也

王寵書得鍾

王法政云

窄韻促成以拙速偶然借用紀年華

謁

孔子廟

甫經廟貌拜闕里復北宮墻謁古蘇堯舜心傳真接彼

君師責重並殷吾遷隅文正范蹟可考作記常宗王事

不誣道塞乾坤神宇宙底湏南面論區區

末句反王彞記意按明徵

士王彞字常宗嘉定人作蘇州府孔子廟南門記大指以孔子之道使萬世帝王因之而不革廟貌當擬王者

舊廟畫於郡垣往而之東弗稱南面向明之美自宋范仲淹遷于錢氏南園之吳隅後復屢加展拓至明洪武間始自樞星門極于南城之陰表文廟之道于洗馬池南又謂此一區為孔子南面之地范公所未得為者云云其所謂孔子道在萬世是矣而區區較量門徑以南面為尊崇則猶未免拘墟之見耳

過紫陽書院口號

院長應延學行醇德潛竟以假亂真於子改是宣尼語

昔實失之未識人

書院掌教必須學行醇粹方足為多士師表向年沈德潛為紫陽書院山

長雖工于詩文而品行實卑後因為徐述夔作詩序允廷臣議削奪爵誥是以庚子過紫陽書院有知人信難我於子改是懼之句

遊滄浪亭

滄浪亭是延賓所點綴湖山具水清大法小廉應視此

憇於此者合循名

南方

南方苦雨多恒弗苦雨少今歲過江來逾旬逢日晶問

稱正二月渥膏霑已早

江浙正二月間該督撫等屢次奏報雨雪霑足茲量吏來覲詢

以農田情形據奏春膏早渥目下並未缺雨

麥苗實芄芄亞隴青而好設使

再潤根餅餌可期飽解之者於傍慰我意識巧霽景奏

遊山此語見何小況我繼北省希需徒久禱

直隸山東河南春雨

未能露透屢經降旨馳詢設督撫並令虔誠祈禱

適日雲每作閣雨旋晴了南

猶覺似難北甚怒如擣

玉蘭臺

在蘓州行宮內

靈巖兩日問山迴曰白辛夷花尚開

紫者為辛夷白者為玉蘭本一種也

以玉蘭接枝於夷辛則開白花否則開紫花然未見以玉蘭接枝于玉蘭者亦其明驗向屢於詠玉蘭詩詳考之有原是辛夷

昨日虎邱識為最

虎邱山陰玉蘭一株本高數丈枝葉茂盛

種接植之句

花開甚繁茲因玉磬得其陪

文徵明所居有玉蘭堂臨蘇州行宮所植玉蘭於春巡時咸開

因即以
此名之文家堂下想荒矣行館階前正苑哉即境無端

一數典恐他壁老笑重儻

夜雨

三月十一日

夜雨打船牕恰值清夢醒入耳適宜聽披衾不覺冷即

南已增潤憶北牽懷永

時北省正望雨之際
未知北澤適及否

須臾聲漸

稀無眠以耿耿

欽定南巡盛典卷二十一

欽定四庫全書

史部

欽定南巡盛典卷二十二

詳校官兵部郎中臣孫球

欽定四庫全書

欽定南巡盛典卷二十二

天章

甲辰 浙江

詩

入浙江境

海塘躬閱此來巡
迎送河邊兩省臣
疆有其分臨益切
民無不愛見尤親
春雲尚覺籠午日
宿雨已看清路塵
麥欲滋膏蠶欲霽

江浙三月間麥田欲雨蠶桑欲晴故有種麥要雨採桑要晴之諺

雨

全難矣豈能均

雨

三月十日
二日

夜雨曉漸止午雲復霽零急飄迷緯岸密點打蓬舲梅

片連飛白麥苗滋蔚青迎鑿憐萬姓冒濕走無停

是日入浙

江境夾岸迎鑿老幼冒雨奔趨
益見愛戴之忱出于至誠也

題烟雨樓疊庚子詩韻

春秋三閱喜重

平聲

來雨意烟情鏡裏開承德奚妨摹畫

貌

庚子年南巡旋蹕攜烟雨樓圖歸於熱河做為之至
辛丑上成情景宛肖有攜圖去歲興工始斷手今年

歲事動之句

嘉興畢竟啟詩材
夏中讓彼泛錦芟
春季饒茲

對玉梅不擬南巡
更臨此鳴榔欲去重

去聲

徬徊

降旨寬免浙江杭嘉湖三府正供十分之三詩以

誌事

入疆民隱切諏咨積欠概將寬免之

昨入江南境即降旨免江寧江蘇安

徽各藩司所屬未完積欠地丁漕項及民借籽種等項共銀米一百三十餘萬全行蠲免

並未逢灾

謝

天佑

無灾則無借項

更常完賦慶豐時

雨暘時而歲美每年完賦更無欠項

所當嘉

也其風善寧可靳哉我惠施十以免三正供道

浙省附郭之仁

和錢塘二縣本年應徵地丁正項先經降旨槩予豁免
外因思杭州嘉興湖州三府踴途所經復加恩將三府
屬本年應徵地丁錢糧共一百九萬餘兩再行普免
十分之三計三十餘萬俾近光黎庶益享盈寧之福

幸

茲同樂世雍熙

謁

海神廟瞻禮三疊舊作韻

庚子重來厓晏奠石工一律命堅修

庚子南巡親臨閱視海塘飭該督撫

於老益倉一帶將舊有柴塘一律改添建魚鱗石塘毋惜工費仍留舊有柴塘為重門保障嗣據該督撫等於

辛丑壬寅等年陸續採辦石料派委誠妥大員勘估建
築至癸卯年八月內據富勒渾福崧奏將原辦續辦魚
鱗石塘共三千九百四十丈督率司道實力稽查於七
月二十四日面石均已砌竣通工一律全完該督撫前
往詳勘均屬如法砌築整齊堅實可以永慶安瀾矣
勤劬雖曰不遺力護佑仍惟
賴

賜庥

神廟載瞻申九叩

御碑欽仰示千秋敢云塘固民安枕未翕中疊未解愁

駐蹕安瀾園三疊前韻六首

北埤今次永塘尚近洪瀾

海塘沙北漲南埤則塘工畢固今自壬辰春以來沙痕漸

覺北埤至庚子前巡親閱則北岸漲沙盡埤海潮直逼塘根今尚如此實為屢念

春月來觀海

古稀仍據鞍

每於城邑或乘馬便民就瞻也

魚鱗期越固

庚子命於柴塘後為石工

飭該督撫等於老鹽倉一帶添築魚鱗石塘凡三千九百四十丈仍留柴塘為重門保障於癸卯七月全功告竣

蘇市較蘇寬

蘇州街市頗窄茲海寧衛市較寬

鄉語分疆異民心一

例歡

塔山近海邊踏勘慰心懸竹簍喜增漲

塔山壩工當潮沙頂冲向藉竹

簍貯碎石三層擁護壩根昨秋據雷勒渾等奏護壩竹簍上中兩層現俱露出今自二月後漲沙增長全掩三

層竹簾為之稍慰

蟻垤惕漏泉隅園且停憩比戶有歌弦自是

文章邑然當戒藻妍

舊家原有述熟路不須尋世業傳來久國恩受已深翰

林茲挂籍書圓勉繩音

海寧陳氏向多為翰林者今乃寥寥庾子臨此陳善慶以家藏

察襄茶錄真蹟呈進念為陳氏家傳墨寶因還之并為題句俾得世守勉紹前聲也

重展蔡襄蹟

依然懸古鉞

蔡襄茶錄筆意秀勁有晉唐懸鉞遺法其自記云草木之微處之得地則能盡其材

頗龍即小見大故庾子題詩有頌不忘規應著眼處之得地盡其材之句即襄自叙意也

安瀾詎祇名永祝晏而清明日觀形勢一宵屢慮情前

吟巡壁舊

聖藻額檐明載語世臣者承家在敬誠

是園有紫竹不計歲和年畫格應為創吟情詎可捐松
非自稱直梅亦捨其娟三益於斯盍都因靜以延一溪
春水柔溪閣向曾修月鏡懸簷角古芸披案頭去來三
日駐新舊五言留六度南巡止他年夢寐遊

登尖山觀海

尖山迤北弗資塘錢板沙比石猶固尖山迤西乃賴塘

閭閻必藉石為護天時地利自古然人事弗和斯致誤
所謂和亦匪云同盡心籌民保障固我登茲山亦已屢
不為觀瀾暢神遇漲沙靡定不可恃每因蒿目乏良慮

視塔山誌事三疊舊作韻

兩山

尖山塔山

接石壩恃竹篁外翼條石未可築潮汐日夜

逼乙酉沙護篁

尖山塔山之間向有壩工正當潮汐頂冲條石難施惟藉竹篁貯碎石三層護

根壬午閱視時沙漲掩篁四尺因命該督撫標記尺寸按月奏報至乙酉歲親蒞勘驗護篁沙漲較舊誌增至

五尺時咸為壩工稱幸然坍塌無定未可恃也

庚子坍塌漸急今幸護以全並無

簣露立

庚子前巡閱視塔山塘山不惟乙酉所見掩簣之漲沙五尺盡坍並三層竹簣已露上一層至

癸卯八月上中兩層俱露今甲辰二月以來漲沙增長上中下竹簣三層復全行掩護

北漲期難

望遑此論寸尺乙酉即有言安保無更易

乙酉塔山沙漲增長尺寸

大吏皆謂江海效靈然海沙變易無常豈可深恃是以前視塔山詩即有效靈漫致頌安保無更易之句

籲佑未蒙庥誠弗假予責

每閱海塘必詣祠虔籲神佑今沙漲已漸見增長而

向稱難以施工老鹽倉之治沙兩年間接築魚鱗石塘籌辦江蘇及紹興等處所運石料均能及時應用亦賴

天佑神助惟有益勉誠敬耳

接築魚鱗塘工料籌詳悉茲更有後

議

欲擬將范公堤一帶土塘接至省城者都易以石庶乎可恃費帑非所惜也

欲接築堅石

此次南巡閱視議自搶塘柴工尾斜向西南接至范公塘而于柴塘後添築石塘即留柴塘為重門保障更添建挑水壩兩道以資保護帑項非所靳然斯亦下策

觀潮四首再疊乙酉韻

鎮海寺傍臨海臺行春觀處正潮來逮今三度詩十二

不擬石塘重

去聲往迴

詠事酉年信筆隨悔愆子歲亦於斯

乙酉觀潮詩有伍胥文種誠司是之

二人前更屬誰之句其後北圻南深潮勢漸逼石塘因悔前詩之見雖高而語似慢政庾子詩反其意云設非之二人司是如謂當鑒我漲沙矣仍看北圻更籲誰是雄威更合誰

李嵩妙蹟攜行笈相證雄觀信弗差詩讀張仁楊基刺

南宋風霜二帝忘行車

石渠寶笈藏李嵩錢塘觀湖圖真蹟有張近仁題云雕闌玉檻

照東海貪看秋潮忘黍離又楊基題句潮水信可定日夕來朝宗人心獨不如而不思兩宮兩宮未雪恥屢下班師旨云云蓋深譏宋高宗之耽晏安而忘國恥也

一帶石塘工已就

庚子閏海塘命改老鹽倉一帶柴塘後為石塘昨歲冬卯八月據富勒渾

等奏報石塘三千九百四十丈大工已全行告竣

魚鱗擬築向西仍

老鹽倉一帶石塘雖

已全竣而章家巷以西惟藉范公土塘衛護形勢單薄恐不足資捍禦茲與該督等悉心籌勘欲一律堅築石

塘使閩郡黔黎永資樂利費帑所不惜也

亦惟此日盡人力敢冀他年幾可

乘

海沙南北坍漲原無常自己卯以後潮勢近塘沙痕漸覺北坍今已二十餘年循環往復理之自然當育北漲南坍之幾然朕惟盡人事以待之其時幾可乘固不可必耳

賜扈蹕王大臣及浙省大小吏食

庚子斯上巳清明此甲辰

庚子前巡於三月三日駐蹕安瀾園行宮賜食茲以三月

十五日清明節駐此宴餐

需雲宜飲食勝地會臣隣小雨亦為澤

是日

小雨即晴

輕烟那論新

清明禁烟傳燭之事後世久不行

遙心縈北省渥霽

可霑春

賜浙閩總督富勒渾

武林曾昔撫而巡開府茲教統浙閩祇以迎鑒來隔省
又看閱歲會今春漫勤供奉水及陸應勉調和軍與民
識大體毋苛小節思之莫忘誨諄諄

賜浙江巡撫福崧

辛丑番回變畫籌甚有方

辛丑春廿省蘇四十三之慶
福崧時任臬司隨總督勒爾

謹前往勦賊暫駐狄道勒爾謹怯懦無能幸福崧隨行
諸事贊助調度有方以是知其可用旋授甘肅藩司

因之知可用遂命撫茲杭蠹政頗能剔

壬寅秋擢福崧
為浙江巡撫到

任後釐剔浙省收漕積弊
奏定章程諸事頗能整頓

官箴勉自強掃除斯足矣奢

費戒其王

前庚子南巡時王亶望任用王燧惟務奢費增飾葛嶺瑪瑙寺等處座落所費者鹽商之

資而伊二人尚於其中作威福以牟利彼時即知其必敗未幾果以甘省冒災帶監貪贓營利敗露抵罪浙省

大吏所宜引

為前鑒也

賜浙江學政寶光鼎

士習民風首端方繫厥司况茲文盛處所重行去聲修時

熟路輕車試

寶光鼎向年曾任浙江學政士習民風是其熟悉也

迪人克己為前

車應鑒已

寶光鼎前任浙江學政時有訓藻章如鄴以寶光鼎不准伊進獻詩冊欲捏詞叩閣呈內

有西陲用兵久稽成功情愿從軍之語其狂誕亦無可迨以其欲從軍即發往闕展効力嗣復據該處駐劄大

臣安泰查奏章知鄴筆札有討奸邪實光胤文捏造悖
逆之言托諸實光胤之口則其居心奸險實為惡逆之
尤因即於闕展地方將章知鄴正法以示懲儆
然亦實光胤平時不能自立約束屬員所致也
自立尚
勤思

夜雨

三月
望日

微雨尖山觀海迴未牌賜食霽光開濃雲入夜欣鋪矣
時雨達辰正霑哉麥綠菜黃胥沃潤老扶幼挈普瞻來

憐他弗惜衣衫濕

十六日早自海寧至杭州夾塗老幼
冒雨瞻迎不惜霑濕倍見愛戴之誠

既歆且
憐之
親切民情裁者培

老鹽倉一帶魚鱗石塘成命修

海神廟謝貺并成是什誌慰用壬午觀海塘誌事詩

韻

壬午觀海塘無非求民寧並携督撫臣

時總督楊廷璋
巡撫莊有恭

疇咨閱情形憶自庚辰年沙勢已漸更然尚去塘遠未

致大工興壬午至庚子北坍水鋪平畧無漲沙意日夕

縈念恒長此其奚窮民生關匪輕戴家橋迤東猶有魚

鱗屏迤西惟柴塘安足護桑耕庚子我重來

崇祠顙佑靈憑輿厯厯觀既觀慮且行其間老鹽倉下

椿我所經活沙旋吐椿

海塘自戴家橋迤西皆築塘不足資保衛因擬改築石塘司事

者孰稱老鹽倉一帶活沙難于下椿若移內接築又有碍田廬壬午親臨試下木椿始苦沙溢用二百餘觔之碓一稔率不及寸許椿下既深又苦沙散不能齧木椿搖搖無著是活沙之說信然彼時既未能即築石塘因藉坦水石篁為固迨庚子南巡沙蒿目乏計生申命築

州篁露

決計接建魚鱗石塘云

蒿目乏計生申命築

魚鱗切念椿難擎然事在人為未可謝不能

老鹽倉一帶沙活難

以釘椿然事在人為未可遽謝不能庚子南巡復申命改建魚鱗塘初開工時仍有已釘復起之患旋有老翁指點云用大竹探試俟千定沙窩再下木椿加以夯築入土甚易因依法打築又梅花椿以五木攢作一處同

時齊下方能堅緊不致已釘復起試之果有成效迨後
跟尋老翁已無踪跡現據富勒渾福崧等奏詢之盛柱
及在員弁兵役等皆稱老人指點傳為神助請勅修
該處潮神廟以答靈貺因俞所請並賦詩以紀其
事

月月具圖報心懸如目憑大小吏胥勤民夫盡力爭
老鹽倉一帶石塘竟築并外仍護柴塘內無害溪阮却
聞夯榼時老翁言信應竹并試沙窩成效免變驚因下
梅花榼堅緊無歇傾魚鱗屹如峙如峙潮汐通江瀛功
成翁不見詎非

神所營贊

天福萬民竟得鉅工成臨塘新

祠宇棖棟煥支撐肅拜致虔謝五言得行程迤西更易

為仍欲殫吾誠

老鹽倉一帶三千九百四十丈鉅工已竣而章家巷迤西僅有范公土塘一道

雖資衛護因令該督等悉心籌勘一律改築石塘較之老鹽倉一帶更易施工亦惟殫吾愛民之誠不惜再費數百萬帑金俾閩郡黔黎永慶安枕耳

閱海塘四疊舊作韻

已卯以來潮近塘廿餘年未漲沙良

丁丑歲南巡閱視海塘其時海潮大

溜高越中疊自己卯以後潮漸趨北壘至庚子前巡親臨相度則北岸漲沙盡坍海潮直至塘根矣雖然

救弊柴易石

先是建請者請易柴塘為石工又有謂老

有坊田廬壬子親視之果然彼時惟命增添料值專修

柴塘其舊有條石各工仍令隨宜加覓以脩捍衛亦一

聽額手萬民慶

庚子親臨閱視以柴塘究不若石塘之

倉一帶一律改建照鱗石塘凡三千九百四十丈其舊

有柴塘留為重門保障昨癸卯秋八月據該督撫奏報

石塘工已全竣浙省永慶安瀾等語今來巡視該處士

民歡忭拜舞出于至誠然于宵旰憂勤有加無已之意

尚缺然未足也范公塘更應籌固老鹽倉一帶改築石塘業經

公土塘護衛形勢單薄曾諭富勒渾等悉心籌勘一體

改建石塘以資捍衛據富勒渾等奏該處淤沙土性浮

欽定南巡盛典

十一

鬆即添築柴塘一遇潮汛頂冲亦不足抵禦等語因思柴塘自不及石工之堅固事在人為不可惜費即多費帑金數百萬使閩郡黔黎永慶安枕何樂如此遂明降諭旨一律堅築石塘矣暇食民艱靡弗遑

命於新建石塘尾柴塘內接築石塘越范公塘直抵烏龍廟即以范公塘為外護之土塘詩以誌事

江南范公堤久傳仲淹義浙省范公塘乃自承謨置

范公

土塘乃本朝閩浙總督范承謨所建承謨即仲淹後裔也一家兩大工先後勤民事

在浙斯言浙石堅土易潰邇年沙北坍迴瀾噉齧恣范

塘東北尾內巽已有事

昨歲癸卯四月據福崧奏范公塘原築埽工自二月以

來因迴溜汕刷致有間段埽蟄現用船沉石以護塘根
尚屬穩固等語朕以該處既是潮水頂冲且回溜汕刷
即用石沉船亦係暫時防護非一勞永逸之計因傳諭
富勒渾福崧通盤熟籌是否應照老鹽倉之例一例添
築石塘詳悉繪圖貼說具奏並諭令于所呈圖內硃筆
圈處添築挑水石壩以期挑溜南趨仍俟今歲南巡時
親臨閱視指示
機宜再行定奪
沉舟下石簍辛保目前計鹽倉石塘建

繼此誠當議築塘補范公率以兇大吏

該督撫等請于新築石塘工止

處之現做埽工築塘之尾接築柴塘八百
餘丈直抵范公塘以為外護即允所請

茲來細斟酌

建石難再遲發帑五百萬分年物料備

茲親臨閱視所建柴塘及范公

塘一帶亦必須一律接建石工方于省城足資永遠
范公塘盡處一體添築石塘撥給部庫銀五百萬兩
限五年自東而西分段陸續修築並諭先行備辦工料
擇日興工一如章菴東外柴內石暨柴即代坦水
庚子前諭令將章

家菴以東柴塘內普建石工茲來親閱見石塘之前柴
塘之後有溝漕一道現存積水並無去路恐致淹滲
根又石塘上堆積土牛無裨實際諭令將土牛填入
水溝槽之內仍將柴塘後之土順坡斜做並于其上栽
種柳樹俾根株蟠結益資鞏固且令外柴內石連為一
勢即以柴塘為石塘之坦水且令柴塘亦時見木有坦
也
柴接土塘比
即范公塘土內石相倚烏龍廟齊至
柴塘石塘中間

將土牛填實種柳互相倚恃聯絡羣護最為得力茲范
公土塘後接築石塘直抵烏龍廟范公塘盡處均令照
式修築堅固俾海疆永
慶安恬民生益資樂利永矣保杭城千年安晏遂六巡

塘事畢五字始終誌

恭依

皇祖巡幸杭州詩六疊韻

石塘接築俾民安為報功成此歷觀

庚子巡視海塘命于老鹽倉上下接

築魚鱗石塘為永遠安瀾之計其舊有柴塘仍命留為
重門保障昨歲癸卯八月內據該督撫奏報魚鱗石塘
三千九百四十丈一律工竣今來躬親歷
視所砌石工整齊堅實洵可永資保障
窮尾溯源暫

紆蹕

尖山在塔山之北自此北至乍浦一帶向無塘堰以其地係錢板沙不畏潮勢冲激而西自海寧沿

塘觀海

窮尾湖源一切塘工形勢可以一覽而得故自

壬午乙酉

庚子及今甲辰皆紆蹕登尖山頂觀海觀塘

而返

衢歌巷舞此迎鑾欲尋南宋宮庭泯究是偏都街

道寬

杭州街道較蘇州甚寬知為南宋偏安之都會也

敬仰

奎章六依韻悵然思昔侍

遊歡

韻玉館再疊乙酉詩韻

設使擬君子南方真有強虛心對令素白髮較前長春

即秋何礙

竹以春為秋
見賢寧筍譜

風和月總涼無須待夔夏恒此

韻琳琅

六依

皇祖吳山詩韻

且遲明日駐西湖覽陟湖山歷市衢左右翹瞻老與幼
可知養給切吾圖

瑞石洞

吳山瑞石洞每來必有詩庚子繹其名云有會意斯

庚昨

予于此題句云曰瑞
誰所名想有會意深

然引而未發茲當申其辭虛室能

生白其祥止止禔瑞即祥別名洞則虛也宜是實註蒙
莊詎稱出語奇

飛來石

無翼而來此止之其翔其翥莫窮疑設如壘罪方其玉
禦寇良言怵我思

紫陽洞題句

瑞石洞或稱紫陽申其義謂註蒙莊

瑞石洞又名紫陽
洞遠題瑞石洞詩

有虛室能生曰其祥止止祝瑞即祥別名洞則虛也又
宜蓋以申明庚子詩未發之意實于蒙莊有會心也

云祠以真人立

洞在紫陽山下康熙年間于其下建紫陽書屋蓋因朱子得名雍正年間又因

紫陽真人曾居

主敬端知朱義長

朱子之學主敬為宗即莊子之虛室生白

此復為立祠

亦豈外是洞之得名紫陽地賴人傳當以朱義為長

閱杭州旗兵

已此百年久駐防侵尋風氣漸如杭一齊傳耳誠何益

衆楚咻之義可方

今各省駐防旗兵其清語率皆生滋然音律尚不致大錯設今其漢語則

與本地漢人無異風土所習染亦無可如何然必不可令忘清語也何事弗塵返舊俗無

思不服緬

前王命皇子射聊示衆老弗躬為慙莫違

昭慶寺

壬午曾留句喜恒

慈慶昭重來殊景況此慮久蕭條橋畔尋門熟牆頭望塔

堯

寶叔塔近此寺疑昔年原屬寺內也

徘徊憩精舍又得片時消

大佛寺題句

須彌弗為大芥子弗為小此語實佛語其徒應俱曉此

何以大稱鑿像山骨竊始自宋思淨

北宋僧名

六百年名表

曰是已涉非謂器斯遠道隱若調御言頓置斯不少

瑪瑙寺疊庚子韻

精藍昔未到庚子始臨云祇惡逢迎巧那嘉梅築勤謬

稱商獻悃

葛嶺下舊有瑪瑙寺庚子南巡見其增飾華美深不愜懷置吏謬以浙商捐修為辭余謂

商民一體故前巡詩有商力彼民力求欣吾不欣之句

可識佛無欣越益吾慙愧

恐防議論紛

詣聖因寺瞻禮

皇祖神御殿

又至西湖謁聖因

聖堯遊豫總因民助休澤實被黔赤

臨莅古曾鮮六巡別緒猶懷庚子歲重瞻欣此甲辰春敬
導

前度敢渝越

我皇祖凡六度南巡茲適如其數亦弗擬增至矣

祇愧瞠乎望後

塵

題澄觀齋

聖因西側有行館兩宇澄觀

奎畫顏不覺數年隔往歲又于斯日總幾閒明湖萬頃會
心處韻景四圍朗照間識得

昔今不異者每同樂弗忘民艱

涵清居

漫道今春歲六度

皇祖六度南巡予惟敬繩
前武不敢有過茲六巡之典幸成昨

曾製南巡記以申予意
欣幸之餘倍切兢兢也

底言古月印千潭一清無際天

連水方寸都於靜裏涵

五題 西湖行宮八景

四照亭

睿藻煌煌額揭亭繹思弗為

賞澄澹照臨民物伊誰責

中庚子舊作萬方民物照臨中之意

敢不孜孜慎

九經

竹涼廈

見說三春是竹秋既秋涼自有來由閒披料峭琅玕裡
未可其間坐久留

綠雲逕

有暇孤山遊片時
千林新綠始傑池
霑衣原在雲深處
不約而同長史詩

瞰碧樓

春水初生漾細淪
樓窓開處渺無垠
瞰來一碧萬頃者
閱盡古今摘句人

貯月泉

半畝方塘亦有波
四時無礙印嫦娥
平湖漫道當秋好

平湖秋月為西湖十景之一貯月泉山
半一泓亦先得月正不以大小殊觀也
小許還勝大許
多

驚香庭

靈鷲由來隔弗遙天香雲外月中飄昔年雖設秋來興

驚香庭老桂連蜷辛未題詩有何當秋字
下意滿領天香之句然究未秋月未巡也
忖度無妨不

踐饒

領要閣

閣高越覺聖湖寬水態山容入靜觀領要設如絜矩者

吾知兩字是君難

玉蘭堂

一雙玉樹植堂襟香色同參靜且惜題以七言弗迴顧
年年春苑付無心

題文瀾閣

四庫鈔書歲次第因之絜矩到南邦
壬寅秋以四庫全書分弁文瀾文淵

文源文瀾四閣者已次第就歲因思江浙為人文淵藪
宜令廣布流傳勅發內帑覓書手再繕全書三分安
置揚州之文匯金山之文宗及此杭州之文瀾三閣俾
東南士子得就近觀摩並有旨令不必靳固准願抄寫

者抄寫但不可致錯亂遺失以昭我
國家藏書美備教思無窮之至意
班傭此實官部發

盧徑彼殊衆力扛

按唐盧藏用始隱終南山時有意當世人目為隨駕隱士晚乃就徵拜徇

權利司馬承禎將還山藏用指終南曰此中大有嘉處
承禎曰以僕視之仕宦之捷徑耳前辦理四庫全書四
分時准各勝錄自備資斧効力五年期滿給予議叙其
中人數衆多不無倖進借此為終南捷徑者既慮有礙
選法亦非策勵人才之意是以後次續繕全書三分飭
發內帑銀百餘萬兩覓書手予值繕寫在抄胥等受值
傭書即同和雇而書成又不致
邀議叙仍于銓政無礙也
袁鉞必公慎取捨淄渾

細辨斥蒙厖范家天一于斯近幸也文瀾乃得雙

趣亭

文源取式逮文津

御園之文源閣繼山莊之文津閣而建其南屏以假山俱有趣亭月台文

津閣詠月台有米家范氏兩魚奇之句茲文瀾閣亦倣其式為之

亦有趣亭棲碧峒寄

語將來鈔讀者文瀾不外史經循

月臺

疊石為山路不長月台重肖米襄陽

月台見米芾西山書院帖

限于

地異平湖好登望微嫌似面牆

此台在文瀾閣前是以近東牆故戲及之

題西湖十景五疊舊作韻

蘇隄春晚

頻頻疊韻初髯蘇一再無妨肖以吾增景已難僂指計
却茲數典占西湖

柳浪聞鶯

南渡宋家志北金相于絲管樂春深新鶯一轉非無意
河北由來有故林

花港觀魚

渠成水到自為港名以實傳因號花却異如棠觀魚者
隨時玩景助年華

曲院風荷

宋時麴院此時風荷豈分疏等燦紅不識吳民尋樂輩
可知今昔樂非同

雙峯掃雲

迴峙雙峯天四垂豐隆巧與絮衣披一時却想窮民夥
可乏無衣露肘時

雷峯西照

淨慈雁塔由來古十景乾淳已有名想像未經鬱攸際

玲瓏旭影照縱橫

三潭印月

到許舟而弗許輪無塵處憩少閒身祇于民隱塵宵旰
那向禪宗悟果因

平湖秋月

小駐遊軒綠繖油倚欄萬頃俯波柔底論秋月與春月
宋代蟾光流不流

南屏晚鐘

清夜觀書倚翠屏霜鐘斷續送來聲宋顛元蹟荆凡幻
僕數上聲何須藉屢更

斷橋殘雪

三十三年一瞥餘

自辛未初次南巡越壬午丁丑乙酉庚子及今甲辰六巡凡三十三年矣

聖湖佳致故如如新詩五疊吟殘雪不擬搜題更命輿

杭州孤山寺三用張祐詩韻

孤山自有岑

古山蓋孤山之誤西湖志稱陳文帝天嘉元年有竺僧持辟支佛舍利至杭遂于

孤山見寺立塔此刹創自南朝唐人已多題詠名蹟最古後人以孤訛古亦以音相近耳佛寺照湖

心古往今何在山陽水却陰難尋當日景畧寓五言深
命舫問他處菁蔥隱遠林

題述古堂

庚子南巡此纔看述古堂

庚子前巡岳吏重修栢堂竹閣並葺述古堂雖成事不說

然惡其綴景過常有點綴却嫌非朴素徘徊祇覺惹嗟咨之句

新成事不說小憩意翻

忙深惡逢迎輩大乖休助方憑軒思述古越覺慙去聲徬

徨

栢堂四疊蘇東坡韻

一栢東坡猶見前

見東坡詩

祇令其一亦茫然可知形色終

歸壞奚必宋唐追論年却惜白翁半字泯還餘蘇老七
言傳偶因寄興四賡韻莫擬擎拳豎拂禪

竹閣四疊蘇東坡韻

竹閣黃州然不然時移弗見兩層軒傳將佳句真圖畫

贏得名山是子孫那辨岡前留古寺猶看湖畔有烟村

從前擬罷尖叉體

蘇軾詩每以疊韻見長其咏雪二首用尖叉兩韻凡經數疊詩家競傳此

體

口業由來戒綺言

題六一泉用乙酉韻

東坡懷六一因以名斯泉兩賢去雖遙彷彿見遺篇逢
時歐勝蘇立朝常諍廷云何亦寄傲高尚托清便集古
錄千卷藏書萬卷然琴碁復各有置酒瓦壺圓與已六

而一娛老頗自賢由是薌西湖境改名無遷

西湖六一泉以蘇軾

守杭時與僧忠勤懷歐陽修得名至南宋時入于禁苑故韓流詩有山林已禁苑復與道院連蘭若縱莫存此水猶冷然之語蓋陵谷雖遷而六一之名數百年來不改禁苑僧道居何醜復何妍

茲為遊幸地賡詩增愧焉

賦得南坍北漲

得心字八韻
浙江試題

紹興

海寧

對相峙江湖自古今中壘誠最美兩界幻難

謔坍漲事無定北南勢有斟興猶山作禦寧祗岸虞侵

紹興在浙省迤南諸山聯絡海湖南注可資抵禦若海寧

一帶地本平行正當北岸之衝潮水每虞侵逼必沙勢

南坍北漲始

壬午溜遷後甲辰水尚深

丁丑南巡時見
海潮大溜尚取

保萬全也

中壘已卯以後漸遷北壘壬午親臨閱視漲沙猶擁護

隄根竹簍因命督撫標記尺寸按月奏報至庚子前巡

往視塔山塘工漲沙盡坍至癸卯八月三層竹簍俱露

今甲辰閱視幸漲沙復將三層竹簍上下全行掩護漸

有南坍北漲之機然水勢尚未改

築塘圖久計

庚子春
巡閱視

赴中壘石塘經久之計不容緩耳

塘工飭督撫等于老鹽倉舊有柴塘後一律添建石塘
四千二百餘丈上年七月間告竣茲親臨閱視范公塘
一帶亦必需接建石工方于省城足資鞏護因再降旨
自新築石塘工尾起于范公塘內至烏龍廟止一體添
建石塘仍留柴塘為重門保障于柴塘後石塘前溝槽
內填土種柳俾柴石連為一勢即以柴塘為坦水撥給
部庫銀五百萬兩予限五年陸續修築以期海疆永慶安恬
射弩罷雄心無往思不

復斯升

謂北漲

祝彼沉

謂南坍

神祠躬致拜籲

佑愧為欽

九里松

欲問三天竺先循九里松一亭臨入路萬樹映雙峯地
古塵自遠年深翠越濃祇疑幽絕處公十八堪逢

上天竺法喜寺

靈感衆生願

咸淳臨安志稱後晉天福四年僧道翊結廬山中夜有光就地視之得奇木命孔仁

謙刻觀音像會得古佛舍利因納之頂間妙相具足又錢杼夢白衣人感悟即其地創佛廬號天竺每逢旱禱雨必應頗著靈感嘉祐末郡守沈文通以為天竺起于司馬晉時踰七百載請于朝賜名靈感觀音院

慈

悲古佛身隨緣為法喜住世幾千春復此瞻相好於何

論果因訂他真裏幻證此幻中真

朱彞尊日下舊聞引程敏政之說謂玉河

鄉所供大士像係自杭州天竺移來曾命昇觀與天竺像迥異夫法象不過藉以傳幻中之真是一不可何況云二詳見向所著程敏政重修觀音寺記訂訛

法鏡寺

路迴天竺此重經

此寺舊名下天竺為上天竺所必經

庚子新修備憩停

賜額無過允僧請

壬午南巡時寺僧乞額因賜名法鏡寺庚子歲置史遂重加修葺以供停

憩可見人主一言一動迎合者多即此知為君之難也

應聲因以愧身型鏡懸佛

智大圓白塔轟神尼不斷青靜室茗餘思往事豈緣求

悅失明刑

前巡時西湖添設點綴皆王豈望任用王燧所為其意將因以求悅而不知悅不以道欲

益反損未幾究以貪黷營私抵法朕與
諸臣刑賞一秉大公豈因求悅曲貸乎

西嶺草堂

在法鏡寺

西嶺草堂蕭創因唐道標無端重脩飾反覺愧逍遙

地方

大吏以其地在下天竺為至上天竺路所
必經累為修葺因成事不說亦遂聽之

座擬天花落

庭多古樹喬欲尋中竺去隔障梵鐘飄

三生石口號

無生一亦無有生三不止笑彼牛背人其實未了此

題瓔珞泉

在法鏡寺內

石竇淙雲泉名以瓔珞擬圓如珠磊落連似絲飄纚丈
六清淨身披處恰合體此中有深義欲把莊嚴洗

七葉堂口號

避暑禪堂稱七葉

白居易有天堂寺七葉堂避暑詩

循名責寔未明言

一花五葉非關此

初祖達摩付法時有一花開葉之偈故庚子詩有初祖明留五葉祠忽增

其二是誰為之句

意在青蓮佛偈存

七佛偈為禪宗鼻祖自毗婆尸佛尸棄佛毗舍浮佛

拘留孫佛拘那含牟尼佛迦葉佛釋迦牟尼佛皆各有偈出佛青蓮口則七葉之名意或取此然亦未見與志

云

湖心亭

西湖無不佳而此稱湖心是為五官首四面歸照臨然
予絜矩思庶政誰所任敬勝怠睎間念念凜難諶可茲
遊目乎怵哉惟益欽

漪園

遠圖映碧嶺近鏡俯清波一晌尋澄勝五言寄靜哦雖

攄賞春興却念占湖多

漪園在雷峯西照亭下蓋依山
占湖為之寬十畝許西湖本以

蓄水民間牟利者因緣侵占湖面或圍水斷詩田或圍
之以為池圓均于民田未便乙酉南巡時即降旨嚴禁

侵占以有闕
水利故也

因識君難語政無不慮廢

詠雷峯塔

莫氏圖中塔尚窺

雷峯以郡人雷就所居得名吳越王妃建塔于雷頂向有重檐飛棟窓戶

洞連後燬于火孤塔巋然獨存碑皆赤色藤蘿牽引夕景返照尤佳故有雷峯夕照之目

皇祖御書改為

西照內府舊藏有莫景行西湖草堂圖蓋未燬前所寫是以壬申題句有玲瓏更見雷峯塔喜未曾經劫失火

之廢頽莫辨故何其大都成乃壞之本欲示色原空即

斯燦爛南朝詞金界荒唐野史說黃皮玲瓏半截入窓

影月任照還風任吹

淨慈寺瞻禮

南岸精藍誰巨擘
淨慈古刹久羶鄉
背山無礙樓臺起
面水有如空色忘
未徹當頭七佛偈
惟欣撲鼻一爐香
經棚却憶祝

釐處

昔年南巡浙省紳士于淨慈寺建設經壇以事闕祝釐即境思舊祇益悵然

今

昔不同神點傷

小有天園

向年遊此園無過詠
佳景春風此重來
乃覺別有省人

心祇方寸萬物備俄頃其中各有天不昧斯為幸然而
難言哉要當私盡屏顏淵問為仁四勿同茲領

留餘山居

山居號留餘留餘意可想受福欲留餘其來自穰穰得
譽欲留餘副實庶不爽稱去聲意欲留餘風帆戒一往問
景欲留餘乃弗窮其賞獨于施惠間留餘則為枉四躔
一涉非戒非屢吾掌

聽泉亭子

在留餘
山居內

山莊之泉題曰觀歲歲

奎章瞻尺咫留餘之泉題曰聽是則一時興所喜顧其間
亦別其義觀在乎目聽在耳二者實弗可偏廢於表固
當識其裏目色耳聲歸至靜何有于聆及于視然而在
茲應言茲茲謂天樂演梵旨

丁家山

白石綠蕉閒逕尋

此處又名蕉石鳴琴為
續西湖十八景之一

不知曾孰此

鳴琴設云泉響如焦尾聽作南風解阜音

福建一百四歲老人郭鍾岳自閩來迎加恩賜予

國子監司業銜詩以賜之

登袞壽百四來程里二千誠云天下老疑是地行仙忱
惻足嘉矣精神尚躍然恩榮司業秩酬爾矻芸編

喜雨

三月二十日

江浙那得喜雨詩喜當知以霽多時吾寧徒務晴遊好

民寔深塵潤稼宜

杭城自三月望日得雨至今又閱數日田疇正當長發之際得此時雨更

為農民喜慰也

連夜達晨欣澤暢菜黃麥綠發生資雖然言喜

詎容易齊豫京畿正倦思

直隸山東河南屢經傳旨馳詢尚未據報得雨為之繫念

不置

萬松嶺

鳳嶺東來此結坡翠籠書院萬松科

傍即敷文書院

欲詢箇裏

工佔畢秀助江山得幾多

敷文書院四疊舊作六韻

借問讀書者敷文敷底文必先脩其已乃可致乎君詎以風雲貴徒然月露勤枕經固厥砥靡史博于聞何必

妍華尚翻滋思慮紛大端示五字最矣雅儒羣

慈雲嶺

高嶺郡城西松杉蔚翠萋聳來莫山並抱處祇湖低古

蹟原多幻昔遊難重

去聲提

慈雲猶足故仰望益增悽

題勝果寺

當年甲第作祇園

隨時建既為錢鏐及南宋宮殿後復為寺

世事由來逝水

翻並膝隨裏理不易施檀重煥謂徒煩

此寺舊額廢乙酉南巡地方大

吏施檀風來旂動誰能所山峙江流各靜喧趙氏排衙
重修者

石尚在都為龍象護空門

登鳳凰山澄觀臺

鳳凰山舊號澄觀臺新名

乙酉登此
與新名

新名與舊號一例

因幻成既以來是山斯台能弗登江山一攬全實足暢
心情金宋元明間其故多變更江山祇淡然何曾繫廢
興下台問景前松送寒濤聲

詠排衙石

是地本多南宋蹟峯頭尚峙排衙石風雨幾度閱凡荆
不改雙雙猶鵲立叶爾時一德稱格天滿朝仗馬還寒
蟬能言弗如無言者至今誰議斯一卷

復雨

三月二十三日

春雨連綿南國常優霑真利浸

去聲

新秧何當分惠施北

省

浙省及江南春雨現俱優渥惟北省尚多望澤據劉
我奏報直隸各屬得雨自一二寸至四五寸不等究

未透霑至山東河南尚
未據奏到殊深企望耳

渴壤都教潤霑霽

虎跑泉三疊蘇東坡韻

十六應真二增上

十六羅漢名見梵經納達答刺傳及法住記俗名十八者詢諸西僧一為

嘎巴尊者一為納達蜜答刺尊者即世所稱降龍伏虎也詳見向所作十八羅漢贊識語

虎其一

名久仰而何信空亦有之虎為

去聲

跑泉以雙掌一之為

甚可再乎掩耳安能止鈴響不如忘慮俯清泉曰無想已涉有想

題開化寺六和塔

宋初創寺月輪山聞說江潮鎮此間

宋開寶三年僧智覺于龍山月輪峯

創建六和塔以鎮江潮塔院曰開化寺

可識曾無永逸法曰惟賴有補偏

閑

防也

每來必鼓吟情勃罷陟漸慚步力艱七級浮屠畢

懸額

辛未南巡初登是塔題額云初地堅固二諦俱融三明清域四天寶網五雲扶蓋六鰲負戴七寶莊

嚴

冥搜亦足破天慳

閱水操

庚子觀潮樓曾登閱水師可觀不可用曾以紀吟詩

閩省

水師列營佈陣搶風施銃皆能精發然可觀而不可用
已丑征緬甸時曾令提督某相德統領福建水師二千
人赴滇聽候調遣而臨陣殊怯一間鎗響即欲泗水遠
遁轉賴健銳營兵管押救護可見全無實用詳見庚子
年閱水操紀
今來依例備觀處移向西云舊處水淺不
事詩並注

可水操施

富勒渾奏上屆于觀潮樓備閱水操今塘外沙漲水淺難以操演因于梵村汛之西江身深濶

水勢平緩處所另建起座閱視水操戰船駕駛裕如以事已成遂聽之

既然弗閱可嫌復

多脩治果其有用者移閱尙為無用而多費是謂供遊
嬉弗欣且憊然吾意其應知更思此漲沙何弗向東移
塘固利耕桑一宜無不宜

洗心亭

漸入綠雲輪尺篴洗心亭子箇中藏墨名儒行題額者
彖傳能知十一章

雲棲寺四疊舊韻作

此處眼看合用青蝸稱居室笠稱亭寺非華貴儉為貴
經弗耳聽意以聽欲去不期他歲至興來聊可片時停
對雲謂爾權棲止且共徘徊作雨靈

是日雨

理安寺詠古

一谷一溪環抱巒到來古寺愜遊盤蹟留唐代寔已泯

名定宋年義可觀

寺在南山十八澗志稱古涌泉院舊名法雨寺蓋唐以來遺蹟也至宋理

宗以祝國泰民安改為理安寺然爾時江山半壁亦顧名思義否

合與墨家娛性地似

殊儒道論心官爾時早失中原半於理安乎抑未安

水樂洞

在烟霞嶺下與
石屋洞相近

烟霞嶺下水樂洞嘉泰以來屢廢興宇宙浩劫原自有
水石之勢聊相乘其興其廢偶所值曰水曰石初無意
五音六律寧所期不得其平則亦未或云似道得深求
因之振響勝地留是誠塗汙水樂矣水樂有識應含羞

石屋洞

石屋嶺下水屋洞乃宜也嶺未宜洞實可居斯屋耳

於嶺奚有義足思邃穴入還復朗生白虛室夫何疑或
稱壁錫東坡字惜哉苔蘿漫漶之

題靈隱寺

今曰雲林昔靈隱雲林越邃隱滋靈相資殷故

聖留額本合相知佛有經苦行

去聲

僧常修業白清吟客祇

悅山青却憐文物斯邦久何少劉家陋室銘

五和

皇祖靈隱寺詩韻

皇祖題隱

奎文山並栽

康熙二十八年己巳
幸靈隱寺

御製五言律詩一章

雲林寶

後易歲月亦云多

己巳

題為靈隱寺後蒙

南巡

皇祖御製詩尚

賜額改名雲

林至三十八年

南巡

御製詩題即改為雲林

寺蓋己巳年

後計今凡九

南巡時

題詩在前

賜額在

十五年矣

映砌長

上聲

禪草拂窓密慧蘿觀韶如李札

不擬重

去聲

相過

葛嶺

庚子臨葛嶺弗悅惡修為

庚子初至葛嶺見其梯山架壑裴點過甚深為弗悅曾有

詩云殊吾觀海省方
意弗為嘉斯實懋斯

實因亶望作資商營已私

葛嶺添設點綴

雖浙省衆商輪相然實王亶望信任王燧藉
端滋擾以營私壟爾時已心惡其所為矣

後廉知其

奸甘省弊並治

王亶望在浙藉公營私即意其必有貪
贖不法之事及辛丑歲甘省蘇四十三

事發因四五月間多雨究出歷年報旱緣由始得盡悉
王亶望等上下勾通折收監糧冒災冒銷之弊故法治

罪抵法治乾綱太阿肯下移又謂形家言山脉戒斷斯

葛嶺在西湖北後開形家言以為省城地脈所關不宜
開鑿其實王亶望黷貨營私即不開葛嶺豈能定罪乎

其然豈其然政惟秉理施

壽星院四景再疊蘇東坡韻

在葛嶺智果寺傍

錢唐太守叩禪扉幸未金山輸帶圍有松有竹即契友
底學墨者著袖衣忠勤忠思二人皆杭僧與東坡唱和或可語無須
持戒觴還飛逸興摘藻不拘律淋漓題壁休嫌肥

右寒碧軒

泉有名杯杯實無有無名實幻如夫東坡留得風流在到此
何妨試茗盃

右杯泉

有目觀難止如觀目自寧

如來者如彼之來也

孰為賓及主不出

金房石人三
卷二十二
戶和庭聖水常拖白高峯弗改青恒茲青白裏騁望悅
清冷

右觀臺

莫謂朝中少識人

用東坡意

吳僧頗足張

去聲

吾軍

用昌黎語

至今

傳有壽星院个个曾朋玉局君

右此君軒

紫雲洞

妙智菴傍紫雲洞冬恒溫暖夏恒涼不常中可其常見齊

物篇曾著有莊

黃龍洞詠古

吳興黃龍山慧開聚禪侶後卓錫斯洞因得名同舉其
事在淳祐武林正偏處燕堂守江介象教侈佛宇理宗
誠何心徒傳講學語設問應循名實忘金之府

嶽欽被
羈乃在

金之黃
龍府也

參寥泉再用宋韓流韻

玉局熟蒙莊數典秋水清參寥名此泉疑始寄遙情始

既已疑色何妨謂聲我每品笑泉錨銖較重輕

向嘗梨銀

斗較量各處名泉就其輕重以別等差詳見向所作玉泉山天下第一泉記

去道益遠矣對

矣對斯生愧明然而請進之無非天一生

清漣寺觀魚五疊舊作韻

西湖十景足斯乃續增餘

西湖志續增十八景有玉泉魚躍即此也玉泉發跡西山

伏流數十里至此始見色清味甘麓石為池方廣三丈許清澈見底游魚鱗鬣可數山府舊藏有玉淵畫魚對

此恍如展卷也漫擬新勝

平聲

舊由他僧妬魚

寺僧以遊人觀魚者每醵餽以餽

已不如魚云

方塘紛展畫一鏡靜含裾疊翠於奴矣出藍笑

聞如

是寺魚皆青翠色

潛知心不競躍似手騰書弗擬重拈句

古稀今老歟

題放鶴亭

湖心一嶼真蓬瀛樓嶼四柱貽孤亭借問孤亭以何建
放鶴逸士留斯名胎仙為子誠肖子放去歸來一任彼
等較梅妻更絕塵千年丁令益俗矣雲龍山復稱其張
我亦肖之以山莊

避暑山莊內亦有亭名放鶴向曾有詩紀之

一之為甚可

再三

去聲

俯仰間祇增暫惶

吟香別業

孤山東北脚別業故臣居

吟香別業在孤山東北為故督臣范承謨別業易以

吟香久屢經攬景予至今憶松桂

謂承謨盡節

非夏那芙菜

是處沼中引湖水植荷花吟香所以得名也

設曰勾留處

別業本名勾留處蓋取樂天詩意後

疆吏重葺易今名

茲來意頗知

龍井八詠

過溪亭

亭自亭而溪自溪言傳三笑信無稽雖然久假不歸者

千古入過去重去聲提

滌心治

六祖當年傳法音可知神秀悟非深滌之何乃重名治
吾謂辨才尚有心得

一片雲

繭罽生雲雲護繭自成一片習而安仰知

皇祖經臨處處歲歲山莊三字看避暑山莊內延薰山館東偏別室有皇祖御題額曰

一片雲

風篁嶺

清風拂處翠交加，等度卑之龍與蛇。
過嶺即為上天竺，琳瑯韻裏步雲霞。

方圓菴

儒曰仁圓而義方，菴名數典豈荒唐。
辨才應讀昌黎集，文暢希其取友良。

龍泓澗

刻峭崇山澗有泉，幾番坐石得吟篇。
外人不識臨眼底，

却道湍流落半天

神運石

運以神功誠有無卓然立不借傍扶
方圓菴是米顛跋
對此曾經下拜乎

翠峯閣

八詠逮茲四度酬
翠峯廿載閱春秋
吟成去弗復
迴顧
結習由來不欲留

冷泉亭

飛來峯之側呼猿洞之口曲澗宛轉間中有玉龍吼功
德任彼稱清冷恒自守曰空尚弗可曰色更何有林洪
惜流出未免失享帚

洪句云流出西湖載歌
舞回頭不似在山時

輜光庵三疊舊作韻

平生志不厭山林況此山林處最深螺髻龕叅檀篆結
金蓮池汲茗漿斟片時靜可消塵慮七字成聊托素襟
行漏泠泠促歸轡曰歸曰住兩無心

普圓院

在雲林
寺之西

普圓復古號改額總從刪

院創自劉宋元嘉時石晉天福中頗為普圓院又名資巖

南宋咸淳間改為永福寺資巖無所取義或資巖之誤茲仍復普圓古號餘崇從刪詳見庚子年遊普圓院詩

按語頗協佛之義

佛以圓通為義

宜居僧以閒而何冀擅施

去

今聲

之僧人多冀布施者

豈不污湖山弗與談禪偈成詩即便還

孤山晴望

一雨三日伊誰力傍晚快晴送我行

將以明日旋蹕

遂陟林逋

最高處恰如曾點詠歸情山明水秀誠無比寓意澄觀
詎有縈聊以七言當留別膩雲收盡碧天清

杭州啓蹕迴鑾之作

七日西湖暢豫情平明啓蹕度杭城大凡勝處祛留戀

乃可道心契一精冬麥抽苗含宿雨春桑發葉烘去聲新

晴亟應歸矣俾民暇

巡蹕所至迎鑾男婦夾道瞻覲肩接跡其愛戴寔出至誠然春季

正當盡力農蠶亟應旋蹕俾得及時勤業也

莫誤斯邦蠶與耕

夜雨

三月二十八日

夜雨隔窓聞打蓬亂點紛優於澤何礙知是熱之薰

昨近

頗熱知薰蒸有雨也


行漏聽長短潤郊計寸分因希北省遍遠縑

近斯欣

昨據薩載奏報雨澤有需二三寸處茲徹夜終朝寔甚優渥入土均盈尺矣

雨中過平望

夜雨淋漓曉未已
川路計程六十里
刻期以進衆早行
冥濛舟度絲烟裏
米家真蹟故常觀
較斯活畫彼遜美
獨憐縉兵跋泥濘
霑體塗足苦莫比
白金按名都遍給
念他固亦人之子
瀰漫四宇藏遠山
平望鎮村忽蒞止
兩傍瞻覲無萬民
弗惜濕衣色都喜
闔閭坐覽意憫然
顧我何德以致此



欽定南巡盛典卷二十二